

1 Kolin

Pâlaŋ Kolin am ekŋengat zapat meluwaŋ ŋeŋaŋ kapi kumindaye

Zapat meluwaŋ kapi Pâlaŋ Kolin ekŋengat ŋeŋaŋ kumindaye. Kolin ekŋengat zapat meluwaŋ zut kuye yangut nukŋaŋ sepem ikŋak ikŋakgapmti sek zut kuye. Pâlaŋ Kolin mkaen Kawawaŋgalen Zet Zapat Dolakŋaŋ Penaj timepme sek zut beye kan keyet Kolin dampelaŋge msokbemindemti koge. Koti mame nukŋaŋ notnaŋ sokbeme kot zeme nâmtiyepm zapat meluwaŋ kapi kuye.

Kolin mka temaŋ ke Akaia plowis keŋaŋ tazin. Manan Akaia msat ke msat temaŋ alak pigokgat Glis makup keyet keŋaŋ tazin. Am msat keyetnaŋaŋ zelin Glik zet ke manzeip. Kolin mka keyaŋ nembu ganzenan ma msat busiliŋaŋ ŋetekŋaŋ Aika msat temaŋ ma Kolin mka temaŋgatnaŋ mezinen ke atam tatatnaŋnok mam tazin. Âpme am waŋgaen makotemien ekŋenaŋ tokwat bembululungat wisat mti sakwep mepmegalen nâmti waŋgaŋjin Kolin msat busiliŋanen ke gapumoti nembet daen mebemti moti mametemien. Mme naman Kolin ke kawa kambuk ikŋakŋen tapme keŋanen amnaŋ sesewat mulup sepem ikŋak ikŋak mamtemien. Kawa kambuk ŋengat keŋan Kawawaŋ sesewatsawien ma ŋengat keŋan nopiom mânep milawatgalen mene sesewatsawien ma kawa kambuk ŋengat nopiom imbi set kileŋgalen. Kogok mme Kolin

mka ke mama mimi mgasikgalen sulumsesik-
gañ Kolin am indabulut tapmeyepm Pâlañ zapat
meluwañ kapi kumindaye. Nukñañ notnañ Kolin
mkaen dapmelañge mambien ekñenmagen sok-
beyeen kapigok: Ekñenañ meu nopiom ekñengat
sâpe sâpe zemindamti naman timkot bemkwiti
kwiti munduman kobeme dapmelañge ekñengat
tuñguwinanen notnañgañ ke met kwitim nime
zezet bañbañgañmak sokbeye. Notnañgañ noli-
nañgalen mama mimiyet ektekalili mulup omba
mbien. Nolin towewenañ ekñengat tewalañ be-
mbeyet nâmti kumindaye (7:1; 8:1; 12:1; 16:1).

**Zet notekñañ temañ kapigogañ 1 Kolin zapat
meluwañ keñañ talip:**

1:1-9 Pâlañ indamukumti zemgwatnañ zet not-
nañ zeye

1:10-4:21 Zet atindândâ yañ dapmelañge
kalañge

5:1-6:20 Msatgalen mama mimi bekañañgañ
dapmelañge ekñengalen nâmkijpepenjin
waletme delañ zemâge

7:1-40 Pâlañ awimbiñ mamayet zet notnañ zeye

8:1-11:1 Keñ zut palen ku mamayelen; Zisas
kwewetañ nâmkijpemti mamayelen

11:2-14:40 Dapmelañge ñoktik sepem zibon
mâti Kawawañ sesewatpepeyelen

15:1-58 Zisasiyañ gakikiyeengatnañ
wageyepmti am nâmkijpepenjinmagañ
kegogak wabep

16:1-24 Pâlañ ikñañgat zigok mimiyelen
nâñgeyet zemkawañ bemti zemgwatnañ
mindamti eksem mamayet zemindeye

¹ Pâl neŋ Kawawaŋaŋ iŋŋaŋ nâŋanok Zisas Kilaisiyaŋ buŋam zapaŋtaŋ zempalakŋaŋ be-
mbeyelen annaŋ nakumtetiye ma ningat notn
nâmkŋipepeŋaŋmak kwitnaŋ Sosenes

² nit meluwaŋ kapi kumti Kawawaŋgalen
am nâmkŋipepeŋinmak Kolin mka teman ma-
maip ingat kumbemalu kozin. Kawawaŋaŋ in
Zisas Kilaismak tsumindemti mme teŋ kwapme
iŋnaŋgat zapaŋ etaŋ mamayet indakumtetiye.
Kawawaŋgalen Zet Zapaŋ Dolakŋaŋ Penanŋ keyanŋ
am sambe msat kataŋ Amobotnaŋŋ Zisas Kilais
masesewatpeip ekŋenmagen penaŋ bein ma egaŋ
ekŋengalen Amobotnaŋin ma sakam kegoŋak
ningalen Amobotnaŋŋ bein.

³ Bipm Kawawaŋ ma Amobotnaŋ Zisas Kilais
egetmagengaŋtaŋ keŋ taolet ma keŋ sewakŋaŋ
inmagen wemti weweyelen mandundulup.

*Kolin am ekŋenmagen zet zapaŋ dolakŋaŋgalen
penaŋŋ sokbeye*

⁴ Kawawaŋaŋ in Zisas Kilais nâmkŋipeme
keyepmti egat pembedaŋgat keŋ taolet omba
mamimindain. Neŋ Kawawaŋgalen keŋ taoletgat
ma kwitnaŋ kwitnaŋ kapiyet egat kan kataŋ
wisikŋ zemti mandundayap.

⁵ Enenogat in Zisasiyelengapmti Kawawaŋ
kwitnaŋ kwitnaŋ sambe in tim mamayelen
indaye ke kapigok: in nânâ penaŋ keyelen
yaŋaŋ kogogak winde indame nâmbien ma
Kawawaŋgalen zet katnaŋ penaŋ ke amgat diin-
dondoyet winde ŋep indayeyaŋ tat indain.

⁶ Ke Kilaisiyet buñam zapatnañ ingat tunjuwinan zemkawañ bemann keñinan atam katik mbien.

⁷ Keyepmti in Kawawañgalen Emetak Tenjañ taolet yañañ yañañ maindain kwep ñen ku matimalip timti in Amobotnaññ Zisas Kilais bamgat sokbemkawañ beme eegalen gulak damuñ mamip.

⁸ Ma Kilaisiyañ in kegogak bandim mimindeme teñ mama tapmepme kan delañ zenze sokbetween Amobotnaññ Zisas Kilaisiyelen kokot kanden ingat myuñguñguñin ñen ku aikbe.

⁹ Kawawañañ Amobotnaññ Zisas Kilais ekmak pepap bemti mamayet nâmti indakumtetime kobien. Ek zet ñen zem ñen zem ku mamin.

Kolin dapmelange ekñenañ kalalañ mbien

¹⁰ Kilaismagen notnne, neñ Amobotnaññ Zisas Kilaisiyet kwitnañgapmti in golañ zet diindoma nâit. In zet mmot mtot mti tunjuwinan kalalañ temañ ku sokbak. In keñ kwep bemti kalalañin tazin ke weyañme kwep bak. Mme keñinan ma nânâñinan tusumti keñ kwep mamayelen nâwep.

¹¹ Kilaismagen notnne, ingalen tunjuwinan atindândâ temañ tasokbein keyet zapalin ke Koloweyelen sip kwep notnañañ kot dinome nâmban.

¹² Zet zapalin kapigok kot zeme nâmban. Inmagen notnañañ manzeip, “Nin Pâl eegalen am.” Ma notnañañ manzeip, “Nin Apolosiyele am.” Ma notnañañ, “Nin Kepasiyele* am,” manzeip. Ma notnañañ, “Nin Kilaisiyelen am,” manzeip.

* **1:12:** Kapi Pitayet kwitnañ ñen gilik zeleset makuip.

13 Kegok newangut pigok nep zenzeyelen Kilaisiyan iknan epeemti sambe ku beye. Ma Pâl neñ ingapmti tewen yomengatnan indatitiyelen ku gakiwan. Ma Pâl nâlen kwilen tusumindemti tu ku zulutindewien.

14 Neñ inmagengatnan am sambe tu ku zulutindewan yek. Keyet neñ nâma nep bein. An zut Kilipusmak Gaias eget etañ zulutidewan.

15 Keyepmti inmagengatnan nenan, “Pâlgat kwitnanen tu zulutgeyap,” nep ku zenzeyelen. Egan kegogak, “Neñ egalen zapat,” nep ku zenak.

16 Neñ Stiwen ma an notnan egalen mkaen matalip eknen tu zulutindewan ke nâmtalap. Yangut am notnan tu zulutindewan ma yek ke ku nâmâtâtindeyap

17 enenogat neñ Kilaisiyan am tu zulutindendeyet ku zemnenge. Egan Kawawangalen Zet Zapat Dolaknan Penan zemkawanbembeyelen mulup ke nanje. Yan neñ am nânâjin teman eknenan manzeip kegok am ku maapitilimindeyap. Neñ belak Kilais tewen kumasasokpewien zapat ke amnan nâmkinpepeyelen mandiindoyap enenogat zet zapat ke iknanngat windenan omba penan tasain.

Kawawanang amgat set maweyanzin ke noktik dolaknan penan

18 Am waleletgalen mama mimi tapmip eknenan Zisasiyet gakikinangat bunam zapat diindomann eknenan nâme belaknan penan mambein. Yangut am yomengatnan indatetitinan ekngat bunam zapat ke

diindoman kemageset keñinan Kawawañan ekñenmagen mulupman winderanben mamm.

¹⁹ Kawawañgalen Zet Itnañan meluwan ñen pigok mimiñan tazin,

“Neñ am ñoktikñin temañ ekñengalen nânânjin mtot indewap. Ma am ñoktik sambe ma otnâip ekñen ñoktikñin peñ pema mebe.”
(*Aizaya 29:14*)

²⁰ Mti amnan nâme ñoktik temañ mambein ke Kawawañan mapenpeme mezin. Kelak egañ am nânâ omba manâip ekñengalen nânâ ke ku matimti zein. Egañ, “Am Zuda ekñengalen zii zet nânup,” manzeip ekñengalen nânâ ke ku matimti zein. Egañ am zelañ auuyelen weyañti manzeip ekñengalen zet ke mapemewen.

²¹ In nâit, am Kawawañgalen Zet Zapat Dolakñan Penañ ku manâmkinpeip ekñenan Kawawañgalen ñoktik temañ penañ ke nâme zet kilom mambein. Mme ekñenan ilinangat ñoktikñinangat Kawawañ ku nâmâtâtpewien. Yañgut Kawawañan am Kilais nâmkinpewien ekñen ombemindemti yomengatnañ indatitiyet egalen Zet Zapat Dolakñan Penaneset nin manzemkawan benup keyañ am Kawawañgat zapat maanğalañindein.

²² Zuda am ekñenan menok yañan yañan eegalen ñoktikñin temañ keeset bemti matalip. Ma am Zuda mangeengatnañ ku sokbembenan ekñenan nânâ temañmak mamayet ñoktikñin keeset mambeip.

²³ Yañgut nin Zisas tewen kukuñan keyet zapatnañ manzemkawan benup. Mme Zuda am

ekñenañ Kilais tewen gakiye keyet zapatnañ nânâyet ñenzinziñ mamip ma am Zuda mañgeen ku sokbembeñañ ekñenañ nâme zet ke kilom mambein.

²⁴ Yangut Kawawañañ Zuda am notnañ ma am Zuda mañgeen ku sokbembeñañ notnañ ikñañgat zapat bembeyelen indamandaye ekñenañ Kilaisiyelen buñam zapat zemkawañ beme nâmti ekñenañ Kawawañgalen windenañ am yominan-gatnañ matimkwatindein ke maegip ma nânâñañ temañ am walelelen ku mebegalen manâin ke kegogak maegip.

²⁵ Am ekñenañ Kawawañgalen zet keyet kilom zeme keyañ naman egalen nânâyañ amgalen nânâ masebempein. Ma Kawawañgat an windenañ isikñañ bugan nâme keyañ naman egalen windeyañ amgalen winde masebempein.

²⁶ Ke neñ pigok nâyapgat zema nâit: Kilais-magen notne, in ewe ikñañgat zapat ku indakum tetiyeen baen kan keyet in sambe notnañ nânâmak ku mambien ma notnañañ kogogak windemak ku tabien ma notnañ kwizet buñammak ku mambien.

²⁷ Am msat palengatnañañ anñine ñoktik temañinmak maombem indeip yangut Kawawañañ am ñoktikñin temañmagañ sakambuk mimiyelen nâmti keyepm am tototnañ penañ ke ikñañgalen mulup mimiyelen maonzemendein. Ma am windenjinmak ekñenañ sakambuk mimiyelen nâmti keyepm am ekñen windenjinpiñ mamaip ke Kawawañañ maonzemendein.

²⁸ Mme Kawawañ ñep kwitnañ kwitnañ sambe

am msat kapiyetnaŋaŋ nâme mobotnaŋ mambein ke asesekgalen manâin keyepm egaŋ am tototnaŋ manŋeengatnaŋ ma am msat kapiyetnaŋaŋ nâme ekŋen am tototnaŋ bemberaŋ ma ekŋengat kogogak nâmindeme belakŋaŋ penanŋ bemberaŋ ke ombemindeye.

²⁹ Msalen am ŋenaŋ Kawawaŋgat zikatnan sek mmobot mnakgapmti Kawawaŋ yaŋaŋ kekok mamimindain.

³⁰ Kawawaŋaŋ ikŋaŋgat ŋoktikŋaŋgalak in indatetimti Zisas Kilaismak tusumindeye ma Kawawaŋaŋ mme Kilaisiyaŋ ningalen ŋoktikŋ beye. Mti Kilaisimageset in Kawawaŋaŋ ikŋaŋgat zapat mamayet ma yomengatnaŋ timkwat indemti teŋ mamayet ombemindeye.

³¹ Keyepmti Kawawaŋgalen Zet Itnaŋaŋ meluwaŋ pigok mimiŋaŋ,
 “An ŋenaŋ ikŋaŋgat sekŋaŋ ku mobe. Amobotnaŋaŋ mulup mge keyet nâme mobe.”
(Zelemaia 9:24)

2

Pâlaŋ Zisas kumasasokpepeŋaŋ keyet zapat diindoye

¹ Âpme Kilaismagen notnne, neŋ inmagen koti Kawawaŋgalen zet enzililiŋaŋ penanŋ zewan ke zet dolakŋaŋ weyaŋti zenze ma ŋoktik temaŋ temaŋ ŋen timti ku diindowan.

² Neŋ kapigok nâmkatik bemti inmagen koban. Zet notnaŋgat yek; Zisas Kilais tewen kumasasokpewien keyet zapatnaŋ etaŋ diindosât koban.

³ Neŋ inmak mambanen kan keyet neŋ sebetn sukŋaŋ beme kiŋgati sebet diŋdiŋ palen mamban.

⁴ Neŋ zet zemzikat indandan ma zet zapat zemkawaŋ bewan ke an ŋoktikŋjin temaŋaŋ zemkawaŋ bemti mamip keyet kataŋ ku mban. Neŋ Emetak Teŋaŋ winde name Zisasiyelen buŋam zapat ke zemkawaŋ bema in nâmkŋpewien.

⁵ Wa ke am ŋoktikŋjin temaŋ ekŋengalen zet sakam ku zewan. Enenogat neŋ nâmbanen ingalen nâmkŋpepeŋin ke am ŋoktik temaŋ ekŋengalen zelen peme ku wetekum tatagalen nâmban; Kawawaŋgalen windeen peme wetekumti tatagat nâmban.

Kawawaŋgalen Emetak Teŋaŋ kwitnaŋ kwitnaŋ manzemkawaŋ bemndain

⁶ Yaŋgut neŋ am nâmkŋpepeŋin katikŋaŋ ma Amobotnaŋgat zetnaŋ maŋgawepuip ekŋengat tuŋguwinan talawen buŋam zapat Kawawaŋgalen ŋoktikŋaŋ temaŋmak neŋ zet mandiindoyap. Naman zet manzeyap keyaŋ neŋ am ŋoktikŋjin temaŋmak msat kapiyelen amobotnaŋ manzeip keboŋ yek. An ekŋen keyelen ŋoktik ke belakŋaŋ penaŋ bewe.

⁷ Yaŋgut nin zet enzililiŋaŋ manzenup ke Kawawaŋmagengatnaŋ. Zet enzililiŋaŋ kapi Kawawaŋgalen ŋoktik temaŋ eweŋaŋ baen msat ku weyaŋgeen ke nâmbiliwege. Zet enzililiŋaŋ ke Zisas Kilais nin pembenanŋ bembeyet ketalasim ndaye. Yaŋgut egaŋ an ŋen ku dundum mamkwatnepeme alak tatnuwen kapi kwazin.

⁸ Msalengatnaŋ amobotnaŋ ŋenaŋ Kawawaŋaŋ ŋoktikŋaŋ temaset kwitnaŋ kwitnaŋ setnaŋ zigoset mamin ke ŋenaŋ ku nâmatâge. Ekŋenaŋ Kawawaŋgalen ŋoktik temaŋ ke ku nâwien keyepm Amobotnaŋ Kawawaŋgat yaŋaŋ penaŋ mamsokbein ke tewen kuwien.

⁹ Keyet Kawawaŋgalen Zet Itnaŋaŋ zet meluwaŋ kapigok mimiŋaŋ tazin,

“An ŋenaŋ zikalaŋ ku ege ma wagaŋ ku nâmatâge ma an ŋenaŋ Kawawaŋaŋ kwitnaŋ kwitnaŋ pembenanŋ am ek gogot mammpeip ekŋengat indandayelen weyaŋ beye ke ku eknâmmge penaŋ.” *(Aizaya 64:4)*

¹⁰ Nin kwitnaŋ kwitnaŋ pembenanŋ ke nin nâmatâtnup enenogat Kawawaŋgalen Emetak Teŋaŋ zemâtâtndaye. Ke penaŋ enenogat Emetak Teŋaŋ Kawawaŋgalen ŋoktik temaŋ biliwawatnaŋ sambe ke maekmâtâzin.

¹¹ An ŋenaŋ ŋep notnaŋgat keŋaŋgat yaŋaŋ ku nâmatâtdak keŋ toŋaŋaŋ iŋaŋ kwewetaŋ manâmatâzin. Kegogak Kawawaŋgat keŋaŋgat yaŋaŋ an ŋenaŋ ku nâin; Emetak Teŋaŋ etaŋ ŋep nâmatâzin.

¹² Âpme nin Emetak Teŋ am ŋoktikŋin temaŋmagengatnaŋ ke ku tiwenn. Yek, nin Kawawaŋgalen Zet Zapat Dolakŋaŋ Penaŋ ke eknâmatât mimiyeleŋgapm iŋaŋgalen Emetak Teŋ ke ndaye.

¹³ Keyepmti nin zet mandiindonuwen am ŋoktikŋin temaŋaŋ manzeip keyet katanŋ ku diindowenn yek. Nin zet Emetak Teŋaŋ manzemzikat ndainen ke mandiindonup. Sepem kegogak nin am kwitnaŋ kwitnaŋ

mandiindonuwen Emetak Ten̄aŋ mandiindoin sepem kegogak mandiindonup.

¹⁴ Am n̄en Emetak Ten̄aŋpiŋ egaŋ Kawawaŋgalen Emetak Ten̄galen zet ku manâin ek kwilekiŋaŋgat nâmâtâtnak? Egaŋ zet ke nâme penapepiŋ mambein. Zet ke am Emetak Ten̄ tat indain etaŋaŋ maweyaŋnâmâtâlîp.

¹⁵ Am Emetak Ten̄ keŋinan tazin ekŋenaŋ kwitnaŋ kwitnaŋ keyet yaŋaŋ n̄ep manâmâtâlîp. Am Emetak Ten̄ keŋinan ku tazin ekŋenaŋ am Emetak Ten̄ keŋinan tazin ekŋengat zelin zemdelaŋ zenze mulup n̄ep ku mimiyelen.

¹⁶ “Amobotnaŋgat keŋanen zet tazin ke an kwiyaŋ nângeyaŋ n̄ep zemâtât zikat same mnak?” *(Aizaya 40:13)*

Nin Kilaisiyelen ŋoktik ke Emetak Ten̄aŋ zikat ndame ke etaŋ timti manup.

3

Dapmelaŋge ekŋengalen an n̄eŋaŋ bembe ekŋen Kawawaŋgalen mulup an

¹ Kilaismagen notnne, neŋ inmagen koti am Emetak Ten̄aŋ indadamuŋ mme mamaip ekŋengat zet diindondoyelen keyet kataŋ ku diindowan. Ingat ŋoktikŋin am msat kapiyelen sepem keboŋ ma in Kilaisiyelen buŋam zapat ku nâwien keyepmti neŋ ingat okak ekŋengat zet zewaknok zewan.

² Neŋ meu katikŋaŋ ku indawan, belak nam etaŋ indama nimbien ma meu katikŋaŋ zigok nimbiek? Enenogat kan pigogak in meu katikŋaŋ niniyelen kataŋ ewe ku beip.

³ Alak in am Emetak Tenəŋ indadamuŋ mme mamaipnok ewe ku mamaip. Inŋat ŋoktikŋin am msat kapiyelen sepem keboŋ nâmti pepet ma atindândândâ tunŋuwinan mti am nâmkĩŋpepenĩpiŋ ekŋenaŋ mti maip sakam keŋok tapmip.

⁴ In pigok tazeip, “Neŋ Pâliyelen am,” ma “Neŋ Apolosiyyelen am.” Keŋok tazeip keyaŋ zeinen in am msat kapiyelen nembon beip.

⁵ Apolos ma neŋ nit kwiyepm in nigat egegalen am manzeip? Nit mulup an etaŋaŋ belak Kawawaŋgalen Zet Zapat Dolakŋaŋ Penəŋ diindomalu in Kilais nâmkĩŋpewien. Keyet kataŋ Amobotnaŋaŋ mulup ikŋaŋgat kwep kwep zemndeyenok mbelin.

⁶ Neŋ alikŋaŋ katnaŋ etaŋ onzewan. Âpme Apolos egaŋ keŋogak nusinaŋ etaŋ mge. Âpme Kawawaŋaŋ ikŋaŋ mme penaŋaŋ sokbeye.

⁷ Keyepm an katnaŋ ondeye ma nusinaŋ mge keyaŋ mulup omba penaŋ mge ŋep ku zenzeyelen. Kawawaŋaŋ mme penaŋaŋ masokbeinŋapmti egaŋ mulup omba mamgulak ŋep zenzeyelen.

⁸ Maondeme mozin ma nusinaŋ mamin an eget ke sepemit kwep. Yangut mulup mimiŋit danŋat kataŋ tosaŋaŋgulak ikŋak ikŋak tiwalup.

⁹ Nit belak Kawawaŋ mukulem mimiŋaŋ anenet mme in Kawawaŋgalen mulupmaŋgalen msat nembon. Kogogak in Kawawaŋgalen mka nembon nit tawalalup.

¹⁰ Kawawaŋaŋ keŋ taolet mnamti nânâ naŋge kataŋ neŋ mka walalalaŋ taŋkawat kaliŋaŋ pema

towege. Âpme timbilanĝe ilak mpepenaĝ keyet palen amnaĝ mka penanĝ tusumti tawalatmolip keyepm am ekĝnen keyanĝ weyanĝ nâmâtâtati walapbep.

¹¹ Kawawaĝanĝ Zisas Kilais amnaĝ mka timbilanĝe mampeipnok bempeye. Zisas Kilais ek am nâmkiĝpepenĝinmak ekĝngalen mka timbilanĝanĝanĝ keyepmti an ĝenanĝ asekti timbilanĝe alakĝanĝ mimiyelen sakam yek.

¹² Âpme mka timbilanĝe mpepenaĝ keyet am notnaĝanĝ tusumti gol ma silwa ma nanaĝ tosaĝanĝ temaĝ ma tep ma mĝek ma puĝ kawasaĝn keboĝanĝ walamobep.

¹³ Kan temaĝgat Zisas kobe keyet muluwinanĝat yaĝanĝ tewaĝ zimti mka butnaĝ kwep keyet kwiyaĝ katikĝanĝ ma bakĝanĝ walalatnaĝ keyet penanĝanĝ msokbewe. Mka keyet palen tep temaĝ zimti tewaĝ mka mulup mimiĝanĝ keyet yaĝanĝ msokbewenok am kwep kwepgalen kegogak mbe.

¹⁴ Âpme an ĝenanĝ mulupmaĝ mka timbilanĝe mpepenaĝnok keyet palaĝanĝ walage ke tewaĝ zim alewe beme eĝanĝ keyet tosaĝanĝ tiwe.

¹⁵ Ma an ĝeniyelen mulupmaĝ ke tewaĝ zime delaĝ zemâbe beme mulupmaĝgat tosaĝanĝ ku tiwe. Âpme mka toĝanĝ ke zinziyelen bududuk penanĝ tapmenĝut Kilaisiyaĝ an ikĝanĝ ke etaĝ anĝalanĝpewe.

¹⁶ In Kawawaĝgalen sesewat mka ma Kawawaĝgalen Emetak Teĝanĝ ingat tunĝuwinan mamain. In kegok nâmталip ma yek?

¹⁷ Kawawaĝgalen sesewat mka ke ikĝanĝgalen

etan. Sesewat mka ke dapmelange in kemak. Keyepmti am nenan Kawawaŋgalen dapmelange sesewat mka nembonj ke walebe beme Kawawaŋaŋ kegogak an ke waletpewe.

¹⁸ In keŋ otnânâŋin ku tetipewep. Inmagengatnaŋ nenan nâme ŋoktikŋaŋmak bewe beme egaŋ am msat kapiyelen ekŋenaŋ maotnâit sepem keboŋ. Egaŋ ikŋaŋ ŋoktikŋaŋmak ku nâwe. Egaŋ kogok peme tapme Zisas nâmkŋpewe keyaŋ mme ŋoktikŋaŋmak penaŋ bewe.

¹⁹ Enenogat msalengalen kwitnaŋ kwitnaŋgalen ŋoktik keboŋ ke Kawawaŋaŋ nâme belakŋaŋ penaŋ mambein. Kawawaŋgalen Zet Itnaŋaŋ meluwaŋ ŋen kapigok mimiŋaŋ tazin, “Egaŋ am ŋoktikŋin temaŋ ekŋenaŋ kwitnaŋ kwitnaŋ tetimae palen tapmme Kawawaŋaŋ ke timti aŋkapipilinok ompeme indowe.” *(Zop 5:13)*

²⁰ Ma ŋen ewe kapigok zenzenaŋ,

“Amobotnaŋ egaŋ am nânâŋin temaŋ ekŋengalen zet nâme belakŋaŋ etaŋ mambein.” *(Sam 94:11)*

²¹ Keyepmti nin ingat an ŋeŋaŋin tapmanup kalaŋ kumndemti, “Neŋ ekmak talap,” zemti sek mmobot palen ku mambep. Yaŋgut kwitnaŋ kwitnaŋ sambe ke ilinaŋgalen zapat:

²² Neŋ ma Apolos ma Kepas nin ingalen zapat mamanup ma msat kululuŋ ma wenzim eyoŋga talip ma gakiki ma alik mama pigogat wein ma bam wemobe ke ingat zapat bein.

²³ Ma in Kilais egat zapat mambeip âpme Kilais egaŋ naman Kawawaŋgat zapat bein.

4

Amobotnanaŋ ikŋaŋ mulup anene ekŋengat yaŋin msokbemâbe

¹ Kogogapm ningat nâmdeme nin Kilaisiyelen mulup an ma egaŋ mulupmaŋgat ŋeŋaŋ bembendeme nin amgat Kilaisiyelen buŋam zapat itanaŋaŋ ku nâwien ke zemkawaŋ bembeyelen ndeye kogok nâwep.

² Âpme Kilaisiyelen mulup an ekŋenaŋ weyaŋti muluwin zemâtâtindendaŋaŋnok nâmsemen mbep.

³ Mti naman pi nanaŋgat yaŋi zema nâit. Nâlen mulupgat in ondedakŋinan manzemkwalalip beme neŋ keyet yayaŋ ku mamiap. Ma neŋ nâmtalawen neŋ mulupm ŋen ku myuŋguwan.

⁴ Neŋ Kawawaŋgalen mulup miminaŋgut myuŋguŋgu ŋen ku mban ke nâyap yaŋgut neŋ yompiŋ penaŋ mayap kegok ŋep ku zenzeyelen. Amobotnanaŋ nâgât yaŋi ewe msokbewe.

⁵ Keyepm in amgat yaŋin bekaŋaŋ zemti msokbembeyet mulupmaŋ sakwep ku mbep. Amobotnaŋ egaŋ ikŋaŋ koti kwitnaŋ kwitnaŋ enzililiŋan tazin ke mkawaŋ bemâbe ma am keŋan nânâ ziboŋ tapmezin ke kegogak msokbemâpbe. Mme zemdelan zenze kanen Kawawaŋaŋ ikŋaŋ sakamin nâmti keyet kataŋ zemesewatindewe.

⁶ Kilaismagen notnne, in zet kapi ilak manzeip, “Zet kumpepeŋaŋ ke ku sebempepeyelen.” Zet ke yaŋaŋ kapigok, Kawawaŋgalen zelen zet tazin ke ku sebempepeyelen. In zet ke gawepup beme an ŋeŋaŋine ŋengat sekŋaŋ mmoti ŋengat peme

topme kekok ñep ku mimiyele. Neñ ma Apolos nigat palen in kekok mamip.

⁷ In ilinañgat sekñin mmopemti am notnañgat kwit zapalin mamtotpeip. Kekok ke kwiyañ zemindeyeyepm mamip? Âpme kwitnañ kwitnañ sambe taindanañgut ekñenmagengatnañ kwep ñen Kawawañañ ku indadañañ, ma? Ekñen sambe ke Kawawañañ talasim indandañaññgut in nâme ku indandañañnok beme sekñin mam-molip.

⁸ Âpme in nâme, “Kawawañgaleñ zet sambeyet yañañ ilak bemisik ndeyeyañ manup,” manzeip. In nâme ninpiñ ilinak amobotnañ ñep kwebenek zemti ilinagak amobotnañ bewienañ talip. Neñ nâma in amobotnañ ñep tabiek ze nin inmak tusumti amobotnañak tabenek.

⁹ Amnañ kogak nâme nin belakñañ peweweyañ gakikiyet zapat penañnok beme tetepulet mimiñdamti yeyengalen nembon kwitnañ kwitnañ sambeyet zikalinan ma ensel sambe ma msat palen am ilindiñ penañ tatndigip keyepm neñ nâma Kawawañañ nin an ombemndemti buñam zapatnañ zemkawañ bembeyelen anene mundum delañ zenzenañ tototnañ penañ ndeye mambein.

¹⁰ In nâme nin Kilaisiyelen mulup mamnup-gapmti an kopanok benup. Mme in nâme ilin Kilaisimagen nâmkiñpeipgapmti am ñoktikñin temañnok mambeip. Âpme nin windenpiñ mme in windenñinmak kogok nâip. Ma nin tototnañ benup mme ilin mobotnañ beip kekok nâip yañgut enenogat kekok ke zeap

¹¹ nin tu meuyet gakim walet mbennañ ewe

mamnup. Mti elimiak miakpiņ ma kasayaņ mandoiņ ma mkayet olat olat palen mamanut.

¹² Mti kwileki bugan aikti mamayet nâmti nin betnaņ mulupmaņ temaminup. Ma am notnaņaņ saik makumndeiwaņgut nin Kawawaņaņ pembenā etāņ mimindandayet mandundunup. Ma amnaņ sisipeņpeņ mti kasa mamndaiwaņgut nin epumtati dopmaņ ku mamnup.

¹³ Amnaņ dekuku mindame keņ sewakņaņ zet mandiindonup nin mgasik penaņ bemti msat sambe ekņengalen isek iseknok bemti mam kobenaņ ewe mamanut.

¹⁴ Âpme neņ meluwaņ kapi sakambuk indandayet ku kuyap. Belak nanaņgat nemunambanne gogot mimindawaknok mti golaņ zet etāņ zemti m indayap keeset indamukulem miap.

¹⁵ Kilaismagen am mukulem mimiņine sambe penaņ mene tatindaip, yaņgut ņenaņ ingat biwinnemboņ penaņ ku tazin. Neņ kukuņaņgat Zisas Kilaisiyepm Kawawaņgalen Zet Zapat Dolakņaņ Penaņ diindoma nâmkijņpewien keeset neņ kwewetaņ kapiyaņ biwin bewanaņ indadamuņ mti mayap.

¹⁶ Keyepmti neņ kapigok apitilim indesowap in neņ mayapnok napmâti mamambep.

¹⁷ Keyepmti neņ Timoti Amobotnaņmagen nemun pembenā gogot mampeap ma ek an mulupmaņ nâmsemtēņ mam zempema inmagen kozin. Koti egaņ neņ Zisas Kilais nâmkijņpemamti mama mimi mamiap ke ma msat kataņ meti am manzemzikat indayap eget keyaņ sepem kwep mambein kegok diindowe.

18 Inmagengatnaŋ notnaŋaŋ nâgâek, “Ku kobe,” zemti mobotnaŋ mbien.

19 Kegok tapmiwanġut neŋ Amobotnaŋaŋ nâme ŋep bewe beme kan belaknik bugan inmagen ke kobap. Koti an notnaŋ mobotnaŋ tapmip ekŋen zeletaŋ tazeip ma Emetak Tenġalen windemak tazeip ke eknâmbap.

20 Enenogat Kawawaŋgalen zemâtâtât katnaŋ mama ke Emetak Tenġalen winde palen masok-bein amnaŋ zelak zelak etaŋ mamip ke yek.

21 Ke penaŋ in neŋ ŋenzinġmak ku kokogalen nâip nâyap keyepmti in mama mimiŋin weyaŋit mme neŋ gogot ma keŋ sewakŋaŋ palen kobap.

5

Kolin dapmelanġe mama okbi okbiŋaŋmak mbien

1 Neŋ ingalen zapat kapigok ilak penaŋ dinome nâmti talap. Inmagen kwitnaŋ kwitnaŋ okbi okbiŋaŋmak am Kawawaŋaŋ ku nâmkiŋpemti maip notnaŋ ekŋenmagen ku sokbembeyelen ke inmagen sokbemti tazin. Nemunaŋaŋ gilik zemti naman mamaŋ mpelaŋġunġunġaŋmak alak set kileŋ malup keyet zeyap.

2 Mama mimi keboŋ mmambe in naman mobotnaŋ igagen tapmip. In mama keboŋ ke weingapmtiŋġut kembeŋ mti an keboŋ ke peme ingat tuŋguwinan ku tabe.

3 Neŋ sekŋnaŋ beŋan pien tapme nânânnanġ inmagen kopme an muluwaŋ bekananġ ke mge eget zet ingat tuŋguwinanok mamti zet zewaknok ilak kapigok nâmdelaŋ zewan.

4-5 In ondektapme neŋ keŋŋnan etaŋ inmagen tusumtati zemdelan zempeman an keyet keŋaŋ sekŋaŋ mama mimi itnaŋaŋgalen ke tikŋaŋ nâmezingapm Amobotnaŋ Zisas egat kwitnanen Sadaŋgalen kimbalen pemann sek sindem tusumsawe. Nin kegok mmann egaŋ zupman totati keŋ itnaŋaŋgalen tikŋaŋ keyet, “Yek,” zenzeyelen winde timti tabe. Mme keeset keŋaŋ gilik zeme Amobotnaŋ egalen kanaŋ daŋgome an kemak in temakwep Amobotnaŋaŋ indatiwe.

6 Mama mimi bekanaŋ keboŋ tatindame in sekŋin mammolip keyepmti neŋ nâma ŋep penaŋ ku bein. Bo kaŋkaŋaŋ ek isikŋaŋ buganaŋgut bo penaŋ olekme bumann keyaŋ bo penaŋ mme akŋaŋ mambemâzin. Ke in nâip, ma?

7 Sipsip yomgat dopmaŋ kukuŋaŋ ke Kilais. Inŋat kaŋkaŋin indam menzemtimâbâtnaŋ keyepmti akŋaŋin ekmâtâti peme mepme penaŋin tikŋaŋ bewe.

8 Kilaisiyaŋ ningat yomnaŋgat dopmaŋ gakiye keyepmti kwilekiki akŋaŋ ke katikpewanup ma mama mimi bekanaŋ akŋaŋ ke katikpempti mama mimi busatnaŋaŋmak ma penaŋaŋmak ke mtati Aŋgalalaŋ Kendo Penaŋ ke tatne.

9 Eweŋan neŋ meluwaŋ ŋen kapigok kumin-dama ekbien. Meluwaŋ keyet keŋanen kapigok zewan in am set kileŋ maip ekŋenmak zenâ zenâ ma aem kwaem ku mbep.

10 E am Kilais ku manâmkinpeip ekŋenaŋ set kileŋ mama ma nolineyelen kwitnaŋ kwitnaŋ ego ego mti kileŋ matip ma am kambu titi ma nâmkinpepe dâsuki notnaŋ mamip ekŋen

katikindemti ilinak paŋsetnak tatagat ku nâmti kuwan. Enenogat ekŋen msatgalen am mme nin kogogak msalen kapiyelen am mamanup.

¹¹ Neŋ kapigogapmti kumindawan. An ŋen nâmkijpepeŋaŋmak ŋenaŋ set kilen mamain met walebe ma notnaŋgalen kwitnaŋ kwitnaŋ notnaŋ ego ego mti mandamtiwien ma nopiom sese-watindanda ma nolineyet dekuku mamip ma tu katikŋaŋ nimâbât ma kambu titi an. Am ekŋen keboŋ katimindeme met zupman mame in naman ekŋenmak zet zenâ zenâ mti tu meu nimwiaŋ wiaŋ ku mbep.

¹² Neŋ am Kilais ku nâmkijpeip ekŋengat zet zemti ku zemdelaŋ zemindewak. In ilinaŋgat noline Kilaismagen maip ekŋengat mimyuŋguŋguŋinaŋgat musuwewet zet diindome ŋep bewe.

¹³ Âpme am Kilais ku nâmkijpeip ekŋengalen mimyuŋguŋguŋinaŋgat zetnaŋ Kawawaŋaŋ zemdelaŋ zewe. Naman in Kawawaŋgalen Zet Itnaŋaŋ mâti, “Inmagengatnaŋ am bekaŋaŋ mimi keboŋ ke indeme ingat tuŋguwinan ku mambeŋ.”

6

Nukŋaŋin notnaŋ sokbemindame ilinak ku zemdelaŋ zewien

¹ Inmagengatnaŋ ŋenaŋ notnaŋmak kalalaŋ mbe beme egaŋ kalalaŋit ke mmeti am Kilais ku nâmkijpeip ekŋenmagen notnaŋ zelen ku pewe. Ekŋelaŋ nâmkijpepeŋinmak ilinaŋgat tuŋguwinan kalalaŋit ke weyaŋbalup.

² Am nâmkîņpepemak nin maneti am nâmkîņpepeņinpiņ ekņengalen zet zemdelaņ zewanup ke in nâip keyepmti ilinaņgat tunģuwinan zet notnaņ isikņaņ sokbeme ñep zet zemdelaņ zenze mulup mbep.

³ Nin ensel ekņen keģogak zet zemdelaņ zemindewanup ke in ku nâip? Ya nin keboņaņ nukņaņ notnaņ nnaņgat tunģupmnaņ sokbeme zelin zemdelaņ zenzeyet nâmtemtem ku mimiye-len.

⁴ Kalalaņ keyelen nukņaņ sokbeme am Kila-lais ku manâmkîņpeip ma dapmelange ekņenaņ an ekņen ke indikme an damaņ ku mambep ekņenaņ zet zemdelaņ zenze mulup ku mbep.

⁵ Mama mimi kapi mamip ke nâme sakambukņaņmak bembeyet nâmti zet kapi diindoyap. Neņ nâyap inmagen an ñen zet nâmtâtâtnaņ dolakņaņ main in nukņaņin ekmagen mmepme egaņ ñep zelinaņgat zemdelaņ zenze mulup mbe.

⁶ In keģok penañ ku mamip, yek penañ. An nâmkîņpepemak zulaņ nâmbekambembeņit tapme in katikpeme an nâmkîņpepeņepiņ ekņenmagen mmepmalu manzem musuwetindeip.

⁷ Âk kalalaņin zupman mmeti weyaņsât zeip beme Kawawaņgalen set ku mâti mme keyaņ am nâmkîņpepeņinmak sakambuk indanti Kawawaņgat kwit zapațnaņ mamtotpeip. Set keboņ dolakņaņ yek. Nodaņ myuņģuņģap ke timane weme nâmpemane ģalen kwitnaņ kwitnaņ notnaņ tiwe.

⁸ In ilinaņgat tunģuwinan nâmkîņpepeen noline ekņengalen kwitnaņ kwitnaņ tatetimindem tip

ma myuṅṅunḡu sambe tapmip. Kok penaṅ ke tapmimindaip ke ṅep penaṅ yek.

⁹⁻¹⁰ Am set kileṅ mamaip ma nopiom masese-watsaip ma awembiṅ kalalaṅ mamip ma an anek-ḡaṅ muluwaṅ bekaṅ mamilup ma an kambu titi ma amgalen kwitnaṅ kwitnaṅ notnaṅḡat eyak mamip ma am tu kalinḡaṅ omba manip ma noli-naṅḡat zemtalat zet manzeip ma kwitnaṅ kwitnaṅ tetimaem titi. Am mama mimi bekaṅ keḡok mamip ekṅenaṅ Kawawaṅgalen zemâtâtât katnanen mama keyet keṅaṅ ku mebeḡ keyepmti in bekaṅ sambe kapi ṅep mimiyeleṅ zemi keṅin ku tetipewep.

¹¹ Itnaṅaṅ in notnaṅ sepem keḡok ke mti mamkwabien yaṅ pi ilak in Amobotnaṅ Zisas Kilais nâmkiṅpeme eḡaṅ yomin sambe zemzuluge. Mme Kawawaṅgalen Emetak Teṅ ikṅaṅḡat zapaḡ mame Kawawaṅaṅ indikme an teṅ bewien.

¹² Am notnaṅ, “Kwitnaṅ kwitnaṅ sambe kapi ṅep mimiyeleṅ,” keḡok tazeip. Yaṅḡut kwitnaṅ kwitnaṅ ke mma ṅep ku napmukuleṅ mbe. Kwitnaṅ kwitnaṅ sambe ṅen mimiyeleṅ tapmezin, yaṅḡut ekṅenmagengatnaṅ ṅenaṅ neṅ nadamuṅ mimiyeleṅ ku nâmpewap.

¹³ Tu meu ke tip kambakṅinaṅḡat kwitnaṅ kwitnaṅaṅ etaṅ âpme tip kambakṅin ke tu meuyet eleṅaṅ. Keḡok kek penaṅ yaṅḡut eget ilisakwep Kawawaṅaṅ indawalepme yek bewalup. Sekṅ kapi set kileṅ mama keyet zapaḡ yek; ke Amobotnaṅḡat zapaḡ bein. Eḡaṅ sekṅinaṅḡat toṅaṅaṅ ikṅaṅ ekdamuṅ mam.

¹⁴ Âpme Kawawaṅaṅ Amobotnaṅ gakikien-

gatan mme wage keyet katan maneti egalen windeen sekŋ kapi mama alakŋaŋ samti mme wabanup.

¹⁵ Sekŋ kwewaŋ butnaŋ butnaŋ sambe sepem kogok nin sambe Kilaisiyet zapalaŋ egat sekŋaŋ kwep keyet butnaŋ kwep kwep benup. Ke in nâip, ma? Ke nâmtiŋgulak in Kilais nâmtiŋpepeŋaŋ in sekŋin kilom timeti imbi set kileŋmak tusum tapmaip beme ke pembenanŋ penaŋ yek. Kelak peme tãsem.

¹⁶ Kawawaŋgalen Zet Itnaŋaŋ meluwan kapigok mimiŋaŋ tazin,
 “Egat zulaŋ pepep bemalu sek kwepnok mambein.” *(Sokbembe 2:24)*

Kegogapmti an ŋenaŋ imbi set kileŋtoŋ ekmak mepmain beme egaŋ ekmak keŋan aem kwaem mti eget kwepnok mambelup. Kegok ke in ku nâip, ma?

¹⁷ Ma naman ŋen egaŋ Amobotnaŋ ekmak tusumti keŋ kwep bemti pepep mambelup.

¹⁸ Am ŋenaŋ yom notnaŋ ŋen mbe keyaŋ sekŋaŋ zigok ŋen ku mamsain yaŋgut am ŋenaŋ set kileŋ mambe egaŋ sekŋaŋ Amobotnaŋgat zapat zenzenaŋ ke walebe keyepmti in set kileŋ mama eksemti kunzuŋbep.

¹⁹ Ma in kapigok ŋep penaŋ nâip, sekŋin ke Emetak Tenŋalen sesewat mkanok bein. Emetak Tenŋaŋ ingalen sekŋin keyet keŋan ke mamayet Kawawaŋaŋ ketalasim indaye keyepmti ingalen sekŋin ke ilinaŋgalen etaŋ yek.

²⁰ Enenogat in Kawawaŋaŋ tosa temanŋ penaŋaŋ indakwitiye keyepmti sekŋinaŋ

Kawawaŋgalen kwizet buŋaman mwawatgat mulup mbe.

7

Awembiŋ mamayelen zemâtâtât

¹ In yaŋkwesisi kumbeme koge ke meluwaŋen bemti pigok zemâtâtindama nâit. An ŋenanŋ imbi wawatpiŋ masât nâme e ŋewak bewe.

² Yaŋgut set kileŋ mamayelen tetimaemae temaŋ penaŋ tazin keyepmti an ma imbi ŋenanŋ apmaŋ ma imbiŋaŋ wati ekmak etaŋ esemten mambe.

³ Kegok mti apmaŋaŋ sekŋaŋ imbiŋaŋgat aŋginaŋ ku mpewe ma imbiŋaŋaŋ kegogak sekŋaŋ apmaŋgat aŋginaŋ ku mpewe.

⁴ Imbiyaŋ ikŋaŋgat sekŋaŋ toŋaŋ yek; apmaŋaŋ toŋaŋ bein. Ma apmaŋaŋ kegogak ikŋaŋgat sekŋaŋ toŋaŋ yek; imbiŋaŋaŋ toŋaŋ bein.

⁵ Awembiŋ, in sekŋin aŋginaŋ kileŋ penaŋ ku mbep. In dundundu msât kan keyegut an imbiyaŋ ilisakwep zenâmti keŋ kwep bemti segit aŋginaŋ mti kan tuŋgupmaŋ isikŋaŋ bugan ke dundundayet otnâwalup. Mti keyet palaŋaŋ an imbi mama mimiŋit ke ŋep tusumti mambalup. It kegok mti an imbi mamayet tikŋaŋ damuŋ mmalu Sadaŋaŋ tetimae ŋep ku idemti yomen ku idatimtowebe.

⁶ Awembiŋ mama kapigoseŋ mambiegen ŋep mene benak keyet nâmti zet kapi zeyap. Wa zemkatik bemindemti ku zeyap.

⁷ Nanaŋgat keŋnaŋ pigok nâyap: Am sambe pi neŋ mayap kegok imbi wawatpiŋ mambenek.

Yanğut Kawawaŋaŋ winde sepem igak igak ndame notnaŋaŋ imbi ma an wawatpiŋ ma notnaŋ awembiŋ bembeyelen winde maindain.

⁸ Sipkotem ma animbi kwambet ingagulak pigok zeyap: In neŋ imbi wawatpiŋ belak mayap sakam keboŋak mambiek beme ŋep benak.

⁹ Yanğut sipkotem ma animbi kwambet in awembiŋ mamayelen sek tikŋaŋ omba tapme sekŋin ŋep ku damuŋ mimiyeleŋ beme awembiŋ ŋep bewep. Mneti sekŋinaŋgalen tikŋaŋaŋ indamandame yom mbepgat awembiŋ ŋep bewep.

¹⁰ Awembiŋ maip ekŋengat zet pigok zema nâit (kapi nenangalen zet yek; Amobotnaŋaŋ zeye): Imbi ŋenaŋ apmaŋ ku asekpemti mebe.

¹¹ Ma ilak apmaŋ asekpemti megeyaŋ main beme egaŋ apmaŋ peme tapme mege ke ewe kot zet weyaŋti wabe. Âk yek beme an ŋen ewe ku wabe. Ma an ŋenaŋ kegogak imbiŋaŋ ku asekpewe.

¹² Ma am notnaŋ sambe ingat nanangat keŋnaŋgatnaŋ zet zesowap. Wa ke Amobotnaŋaŋ zet ŋen zeye keyetnaŋ yek. Zet ke kapigok: An nâmkŋpepeŋaŋmak ŋenaŋ imbi nâmkŋpepeŋaŋpiŋ wage yanğut imbi keyaŋ ekmak mamayet tikŋaŋ nâin beme imbi ke ku asekpewe.

¹³ Ma imbi nâmkŋpepeŋmak ŋenaŋ apmaŋ nâmkŋpepeŋepiŋ wage yanğut an keyaŋ ekmak mamayet tikŋaŋ nâin beme apmaŋ ke ku asekpewe.

¹⁴ Enenogat neŋ kegok zeya? An Kilais nâmkŋpepeŋiŋ egaŋ imbi nâmkŋpepeŋmak

walep manan imbi nâmkijpepeñapiñan
 an nâmkijpepeñanmak walep beme
 ekñetmagengatnañ ñenañ nâmkijpepeyet setnañ
 zulutme ñandem tazingapm Kawawañan nâme
 ñep mambein. Keyepmti Kawawañan keboñagak
 nemunambañane ekñen maminbiwineyelen
 nâmkijpepeyepm ekñenmagen kogogak
 nâmkijpepeyelen setnañ zulutme ñandem
 tazingapm nâme ñep mambein.

15 Yañgut an ma imbi ñenañ Kilais
 ku nâmkijpein egañ imbiñan ma apmañ
 nâmkijpepeñanmak ñen pemti mesât giñgiñ mme
 nâmpeme ñep mebe. Keyet zemkululuñan ñen
 ku tazin. Enenogat Kawawañan sewakñan palen
 notn notn mti mamayet nâmti indakumtetime
 kobien.

16 Imbi, geñ apdi mama mimi dolakñaset
 mukulem mmane egañ nâmkijpepemak benak
 ma yek? Set ke geñ ku nânik, ma? Ma an,
 geñ imbindi mama mimi dolakñaset mukulem
 mpemane egañ nâmkijpepemak benak ma yek?
 Set ke geñ ku nânik, ma? Keyepm an ma imbi
 nâmkijpepeñepiñ watnagañ geñmak mamayet
 tikñan nâin beme asekepepiñ.

*Nin Kawawañan mama mimi nâmtikñan mam-
 nen mâti mbanup*

17 In mama mimi zigok mti mame Kawawañan
 indakumtetime nâmkijpepeen kwabien ke ilak
 mti mambep. Neñ zet sakamañ keboñ am
 nâmkijpepemak mka sambe manzemkawañ be-
 mindam melap.

18 An sekñaᅇ butñaᅇ piliñaᅇmagaᅇ nâmkĩᅇpepemaᅇ beye beme egaᅇ piliᅇ ke asesekgalen ku nâwe ma an sekñaᅇ butñaᅇ piliᅇpiᅇ tati nâmkĩᅇpepemaᅇ beye beme egaᅇ sekñaᅇ butñaᅇ piliᅇmak bembeyelen nâmti ku antiwe.

19 Sek piliᅇmak mamayelen ma piliᅇpiᅇ ma-mayelen keyaᅇ nâmkĩᅇpepemaᅇ mamayet yaᅇñaᅇ penaᅇ ku bein. Kawawaᅇngalen zet gawepupu keyaᅇ penaᅇñaᅇ penaᅇ bein.

20 Keyepmti an ᅇñaᅇ mama mimi ke ma ke tati nâmkĩᅇpepemaᅇ beye beme mama mimi keyegak mti mambe.

21 Geᅇ mulup an tosaᅇpiᅇ mulup mimi mamti nâmkĩᅇpepemaᅇ bewanan beme mama keyet nâmtemtem mimipiᅇ. Yaᅇgut geᅇ mama ke katikpepeyelen setñaᅇ sokbemgaween katipewanik.

22 An ᅇñaᅇ mulup an tosaᅇpiᅇ manepeme Amobotnaᅇñaᅇ kumtetiye beme egaᅇ Amobotnaᅇngalen an opepeᅇpiᅇ beye. Enenogat Amobotnaᅇñaᅇ yomaᅇ katikpemmâge. Sepem kegogagak an ᅇnen opepeᅇpiᅇ mame Amobotnaᅇñaᅇ kumtetiye beme egaᅇ Kilaisiyelen mulup an tegaᅇ opepeᅇñaᅇnok beye.

23 Kawawaᅇñaᅇ in ilak tosa temaᅇñaᅇ kwitimindage keyepmti amgalen nânâyet kandaᅇñaᅇ wak bemti ku mambep in Kawawaᅇ mâtĩ zet kapi etaᅇ nâwep.

24 Kilaisimagen notnne, an ᅇñaᅇ mamaᅇñaᅇ zigok tapmmamti nâmkĩᅇpeye egaᅇ mama mimi keyegak tapmmamti Kawawaᅇñaᅇ nâmkĩᅇpemtĩ mambe.

Am awembiŋ bemti mama ma awembiŋ ku bemti mama keyaŋ zetnepiŋ

²⁵ Âpme pi am awembiŋ bembepiŋ maip ekŋengat yaŋkwesisi bewien keyet dopmaŋ gilik zesowap. Awembiŋ bembepiŋ maip ekŋengat Amobotnaŋaŋ zet windenŋaŋben zeye ŋen ku mta-lap. Yaŋgut Amobotnaŋaŋ kemberi mnayeyepmti neŋ zet penaŋ zeyap ke in ŋep mimiyelen.

²⁶ Kan pigogat nukŋaŋ igagen penaŋ tasokbein keyepmti an ŋenaŋ imbi wawatpiŋ mamayelen zeme neŋ nâma dolakŋaŋ penaŋ bewe.

²⁷ Ma imbindimak manik beme imbi ke aseksesâgât ku nâwanik. Ma geŋ gitak belak manik beme imbi wasâgât ku zewanik.

²⁸ Yaŋgut imbi wasât mbanik beme ke wap-maneyom ku bewe ma imbi ŋenaŋ an wapme keyaŋ yom ku bewe. Kegok ŋewaŋgut kan pigogat nukŋaŋ igagen penaŋ tasokbein keyepmti kekok ku mti mamayelen nâmti kekok zeyap.

²⁹ Kilaismagen notnne, zet pi zema nâit. Kan delan zenze ilak bududuk bugan beingapmti an imbiŋaŋmagaŋ Amobotnaŋgat mulup omba penaŋ mamambe yaŋgut nâme imbi ku wage nemboŋ bewe.

³⁰ Ma si zemsu zemsu mamip ekŋenaŋ si kemberiŋ ŋeŋinan bemti Kawawaŋgalen mulupgat omba penaŋ ku manâip ma am oloŋen palen maip ekŋen oloŋeŋin ŋeŋinan bemti Kawawaŋgalen mulupgat omba penaŋ ku manâip. Ma am milawat makwitip ekŋenaŋ milawat keyet nâme tatat katikŋaŋ tabe nâmti keŋin temaŋ keyet ku bewep.

31 Ma am aem kwaem mulup mamip ekñenan mânep mulupgat etañ nâme mobotnañ penañ beme ku mambep. Enenogat msat ma kululun kapi ilak sakwep delañ zesâpm.

32 Mneti in kwitnañ kwitnañ belakñañ keboñ timti mamti ñoktikñin temañ keyet bemi nâmtetem palen mambepmagen zemti keyet zemâtâtindayap. Imbi wawatpiñ ekñenan Amobotnañgalen mulupgat yayañin omba penañ tatindain eneyet ekñenmagen opepeñañ ñen ku tazin. Egañ Amobotnañañ mama mimi nâmtikñañ min ke mâti mam.

33 Yañgut animbimagañ sekgalen bandim keyet nâmtetem mamin. Mti imbiñañañ nâmpeme dolakñañ bembeyelen mulupmañ mamm.

34 Kogok mti ñoktikñañ sambe makalañzin. Âpme imbi apmepiñ ma imbi nembip ekñenañ keñin ma seknin Amobotnañgat zapat sasât manâip mti Kawawañgalen mulupgat yayañ omba penañ mamip enenogat ekñenmagen opepeñin ñen ku tazin. Mme naman imbi awinmak ekñenañ sekgalen bandim keyet nâmtetem temañ mamip. Mti awinañ nâme dolakñañ bembeyet mulup mamip.

35 Neñ nukñañ palañinan bemti ku zeyap yek. Neñ zet kapi in indamukulem mimiyeleñ nâmti diindoyap. Neñ in kwilekiyañ penañ ma pembedañ ke mimiyeleñ nâmindayap mti keñin ma seknin melesiñ ondekme Amobotnañmagen mebegalen nâmti zapat kapi diindoyap.

36 Yañgut imbiñañ an zapatnañmak awembiñ sakwep ku bemti damuñ teepmañ tati welut

beme ke pembenan yek. Egelan kekok milut beme yom milut.

³⁷ Yangut an nenan imbi zapatnan zempepenangut nâme egan iknangat sekngalen tiknan ke nep ekdamun mimiyelen winde tasainan imbi zapatnan ku wazin beme keyan yom ku bein.

³⁸ Keyepm an nenan imbi zapatnan wazin beme ke nep bein ma egan imbi zapatnan ku wazin beme keyan naman dolaknan penan bein.

³⁹ Imbi nen apman mambeen egan apmanmak tâtâjit tapme mamambe. Apman gakimenjut bam an nen wasât nâmti egan eknâmâtâti an Kilais nâmkinjpepenanmak beme wabe.

⁴⁰ Imbi egan ewe an nen wawapin mambe egatgulak nâma dolaknan bein. Ke nanangat kenngalak zeyap yangut Kawawangalen Emetak Tenan kenan tazin keyan kenj m elen belen beme zeyap.

8

Sonjom nopiomgat sâpe sâpe sasayet nsâti nâmâtâtati nimbep

¹ Âpme pi naman nopiomgat sâpe sâpe masaip keyet pigok zema nâit: Nin nâmkinjpepemanan nânup nin sambe nânân tatndain. Nânâ temanan am notnan mme sekj mobot mamip yangut nin am gogot mimindenup beme nin mukulem mimindemann eknenan Ambotnan weyanji dolaknan mâbâgalen manânup.

² Inmagen an nenan nâme iknangat nânânjan omba bein beme egan, “Nen nep nâyap,” zet

zein keyañ mkawañ beinen an ke Kawawañgalen nânâ penañ penañ yañañ ewe ñep ku nân.

³ An ñen egañ Kawawañ gogot mampein beme Kawawañañ ek ekti zein, “An keyañ nânâ penañañ yañañ ñep nân.”

⁴ Keyepmti neñ zet ñeñañ nopiomgalen sâpe sâpe meu kukñañgat bembenañ niniyelen kapigok zesowap: Nin nânup nopiom ke amnañ sâsâñañ mamañañ ma ekñen ke Kawawañ penañ yek. Kawawañ kwewañ penañ mamain ke nin nânup.

⁵ Am notnañañ kawawañ notnañ penañ kulu-luñen ma msalen talip manzeip. Penañ, ekñenañ amobotnañ sambe ma kawawañ sambe talip manzeip.

⁶ Yañgut nin nânuwen Kawawañ ek ningalen Bipm ek kwewañ penañ mamain. Egañ kwitnañ kwitnañ sambe kapi Amobotnañ melakwep Zisas Kilais ekmagesetgatnañ etañ mme sokbemâge ma egañ mme nin ikñañ manâmkinpepmi ekmak mananup.

⁷ Yañgut zet penañ kapi am ilindiñ ku nâmâtâlíp. Am notnañ sambeyañ nopiomgat nâme mobotnañ penañ beyeyepm alak pigogat meu keboñ ke nim nâme nopiomgalen meu mambein. Ekñen keboñ keyet nâmkinpepenin tuwat tuwat ma ekñenañ keñinan nâme meu ke niyo beme am yomton kogok nâyo.

⁸ Kawawañañ tu meuyepm nâmndeme mobotnañ ku bewanup. Nopiomgalen tu meu kinñabanup keyepm ku nâmbekambem ndewe ma ke nimann ku zemsesewatndewe.

⁹ Ma notnaŋ in yaŋaŋ weyaŋ nâmâtâti manip in noline nâmkinpepeŋin tuwat tuwat tazin ekŋen keŋin myuŋgume yom beweyet eksewep.

¹⁰ Âpme geŋ nânândi ke tazing met nopiomgalen sesewat mkaen moti egat meu bumbembeŋaŋ ke tatnimane nodi ŋen nâmtemtemŋaŋmagaŋ gikti egaŋ tatningat nimbi kogok zemti nime yom bewe keyet geŋ eksewanik.

¹¹ Enenogat nodi kapiyet Kilaisiyaŋ egat mti gakiye ek nâmkinpepeŋaŋ tuwat tuwat ke gâlen nânâ keyaŋ mme sukŋaŋ bemti meu ke nimti nâme yom beme walebe.

¹² Set kegoset in noline nâmkinpepeŋin tuwat tuwat waletindemti yom miyo. In kekok miyo keyaŋ in Kilais yom msayo bein.

¹³ Keyepm notn Kilais manâmkinpenaŋ meu nopiomgat sâpe sâpe bembeŋaŋ ke nima yom besem nânin beme neŋ meu keboŋ ewe ninipiŋ penaŋ mamambap. Enenogat neŋ ek mma yom ku mimiyelen kogok nâmti mbak.

9

An Zisasiyaŋ egalen zet zemkawaŋ bembeyelen ombemti kumtetitiŋgalen mama

¹ Zet zemkwala keyet butnaŋ ŋen ewe kapi zesowap. Neŋ kwitnaŋ kwitnaŋ keyaŋ ku naopemneneŋaŋaŋ. Neŋ belak âlâgâlâk ta-lap. Ma neŋ Amobotnaŋ Zisas penaŋ ek-ban. Neŋ Amobotnaŋgalen mulupmaŋ penaŋ ingat tuŋguwinan mamti mban keyepmti in nâmkinpepemak bewien. Keyepm neŋ Zisasiyet

bunjam zapatnaŋ zemkawaŋ bembe an ombem-nakumtetitiŋaŋ penaŋ talap.

² Am notnaŋaŋ nâme mene neŋ Kilaisiyelen bunjam zapat zempalakŋaŋ bembe an ku ombem-nemti nakumtetitiŋaŋ ku beyawaŋgut in yaŋŋ penaŋ sukwep nâmneip. Enenogat neŋ Kilaisiyelen bunjam zapat zempalakŋaŋ bembe an ombem-nemti nakumtetitiŋaŋ mamti zapatnaŋ diindoma in Amobotnaŋ nâmkinpewien keyaŋ neŋ an kwi keyet yaŋŋ penaŋ msokbeye.

³ Âpme yaŋŋaŋgat zet kuku mti nâgât Zisasiyelen bunjam zapat zempalakŋaŋ bembe an ombem-nemti nakumtetitiŋaŋ ku manzeip ekŋen keyet zet dopmaŋ kapigok gilik zemindayap.

⁴ Nin inmagen mulup mamnupgapm in tu meu ndandayelen ŋep wekukuyelen yaŋgut nin ku mawekunup.

⁵ Amobotnaŋgat nembraŋaŋne notnaŋ ma meniŋane ma Sipas ekŋenaŋ imbiŋinemak zet zapat dolakŋaŋ manzemelip. Keyepmti notnaŋ nin sepem kekok mimiyelen nâmbenek beme nin ŋep kogok mbenek.

⁶ Kulekiyet neŋmak Banabas nit betndaŋ mulup mti mânep keeset aikti meu kwitim niniyelen mamilup âpme ekŋenaŋ in indapelaŋguŋguyet manzeip? Ke set pembenanŋ yek.

⁷ Kasa kuku an ŋenaŋ mulupmanen mamti ikŋaŋgalen mânewaŋ tu meu ma kwitnaŋ kwitnaŋ sambe ke kwititiyelen mulup belakŋaŋ ŋen mti keeset mukulem ku matin. Ma an ŋenaŋ mulup mip keyet penaŋaŋ weme belak peme tatagalen ku maondein yek. Egaŋ meu penaŋaŋ

ņep bep ke akumti manin. Ma bo toņaņaņ ekdamuņ mme sememe kumti manin.

⁸ Pi an zet etaņ ku zeyap; zet kapi zii zelen keyegak zemkawaņ bembenaņ tazin.

⁹ Mosesiyelen zii zelen zet ņen kapigok meluwaņ mimijaņaņ tazin,

“Bupaloyaņ mulup mgemti kwaņ sinaņ nsât mme ku aņginaņ mpewanik.” *(Zii Zet 25:4)*

Âpme Kawawaņaņ zet ke bupalo ekņengat etaņ nâmti ku zeye.

¹⁰ Zet ke am ningat penaņ zenzeņaņ. An mulup mimonze onze mamm ma an meu penaņ maakumbein egelaņ meu penaņ ke ilisakwep kalaņti nimbalt ke nâmti mamilup.

¹¹ Âpme nin Kilaisiyet buņaņ zapat diindowen kan keyet nin mulup an mulup mimondendeyelen zapat sakam keboņ mbenn. Nin mulup keboņ mmann Emetak Teņaņ ingat keņinan topmaņge keyepmti nin inmagengatnaņ segalen mukulem mimiyelengat omba penaņ ndandayelen ku mawekunup.

¹² Mulup an notnaņaņ inmagengatnaņ segalen bandim titiyelen beme nin kegogagak segalen bandim titiyelen bein enenogat nin inmagen mulup yaņbemti mbenn. Yaņgut nin inmagengatnaņ meu milawatgat ku wekuwenn. Mneti Kilaisiyelen zapat pembenā bekekpewanekmagen zemti inmagen titiyelen zenzeņaņ ke katikpewan.

¹³ Zelusalem mka temangalen sesewat mka temanen an mulup mamip ekņenaņ meu sesewat mka temangatnaņ matinip. Ma an sâpe sâpe sisagen mambuip ekņenaņ keyetnaņ meu butnaņ niniyet

zenzenaṅ timti manip. In set ke ṅep penañ nâip.

¹⁴ Âpme set keeset Amobotnanaṅ Kawawaṅgalen Zet Zapat Dolakṅaṅ Penañ zenze an nin zet zapat dolakṅaṅ zemepman am ekṅen keyaṅ tu meu aikndame niniyet nâmti zet ke diindoye.

¹⁵ Neṅ set ke ku mamâlap. Mti in sakam keyet kataṅ mnanayelen otnâmti meluwaṅ ku miyap yek. Nen betnnaṅ mulupman mti maaikniyap keyet nâma mobotnaṅ mambein. Enenogat ingat tu meuyet indawekumindandayet nâma sakambukṅaṅmak penañ mambein.

¹⁶ Kawawaṅgalen Zet Zapat Dolakṅaṅ Penañ zempalakṅaṅ bembeyelen mulup ke zemkatikbemti îlak nâgât belen bempepeṅaṅ yaṅgut neṅ am buṅam zapat dolakṅaṅ diindondopiṅ mma wakai Kawawaṅgaṅ sindem omba penañ nawe keyepm buṅam zapat manzempalakṅaṅ beyap keyet sek mmobot zet zema dolakṅaṅ penañ ku besem.

¹⁷ Mulup ke nanangṅat keṅnaṅgalak sokbemti mbak ze maneti tosaṅaṅ tiwak. Yaṅgut nanangṅat keṅnaṅgalak mulup kapi ku tiwangapm pigok ṅep zewi, Kilaisiyaṅ Kawawaṅgalen Zet Zapat Dolakṅaṅ Penañ zenzeyelen zenengeyepm manzeyap.

¹⁸ Kawawaṅgalen mulup mamipgat tosaṅin kapigok: neṅ Kawawaṅgalen Zet Zapat Dolakṅaṅ Penangalen mulup mmeti am mulup keyet tosaṅangṅat ku wekuwap. Kawawaṅgalen Zet Zapat Dolakṅaṅ Penañ manzeap keyet tosaṅaṅ ṅep titiyelenangṅat keyet ku mawekuyap. Keṅ oloṅen nâyap keyaṅ tosannok bein keyet nâma pembenañ bein.

19 Neŋ zet keboŋ keyaŋ ku naopemneme ta-lap keyaŋgut neŋ am sambeyet kilambaŋinan gwidikti ekŋengalen sisiliŋ an beyap. Enenogat neŋ keeset am sambe indatetima Kilais ŋep nâmkĩŋpepeyelen nâmti mamiyap

20 Keyet yaŋaŋ neŋ Zuda am ekŋenmak mamti Zuda am ekŋengalen mama mimi timti ekŋenaŋ Kilais nâmkĩŋpepeyelen mulupmaŋ mban. Zii zet keyet sisiliŋ mulup mamip ekŋenmak tusumti ekŋengalen mama mimi keyet meti zii zetgat sisiliŋ mulupnok mban. Mosesiyelen zii zet itnaŋaŋ nâgât damaŋ ku mam keyaŋgut am keyet sisiliŋ mulup mamip ekŋenaŋ Kilais nâmkĩŋpepeyelen kekok mamiyap.

21 Neŋ Kawawaŋgalen Zet Zapat Dolakŋaŋ Penaŋ am Zuda maŋgeen ku sokbembeŋaŋ ekŋen zemkawaŋ bembeyelen ekŋenmak mamti ekŋengalen mama mimi ke timti sepem ekŋen nemboŋ Zuda amgalen zii zepiŋ mamayap. Âpme kogok mama ekŋenaŋ Kilais nâmkĩŋpepeyelen mamiyap. Kapiyaŋ neŋ zii zet maanŋosoyap kogok ku bein enenogat Kilaisiyaŋ neŋ mama mamayelen mandinoinok mayap.

22 Âpme Kawawaŋgalen Zet Zapat Dolakŋaŋ Penanen Kilaisiyet yaŋaŋ mandiindoyawen am nâmkĩŋpepeŋin tuwat tuwat ekŋenaŋ kwilekiki nâme bekaŋaŋ am nâmkĩŋpepemaŋaŋ ku mimiye-len bein ke neŋ belak mapeyap. Kogok mti neŋ mukulem mimindema weyaŋ nâmatâlip ma set kekok set neŋ am sambe yaŋaŋ yaŋaŋ maipnok ma mama ekŋenaŋ Zisas Kilaisiyet nâmkĩŋpewep.

23 Keyepm neŋ set ekŋen sambe ke mma

am sambe msat kataŋ ekŋenaŋ Kawawaŋgalen Zet Zapat Dolakŋaŋ Penan nâmti neŋ ma in sambeyaŋ kwitnaŋ kwitnaŋ pembedaŋ sambe Kawawaŋaŋ am Kilaisiyelen buŋam zapatnaŋ manâmkiŋpeip ningat zetik mimndaye ke titiyelen mamiyap.

²⁴ Âpme in pigok nâit, kanzowak mimi mundumen am sambe ekŋenaŋ ilinsakwep yaŋbempti winde mambeip. Yaŋgut an ŋenaŋ winde bempti ŋenaŋ piliŋen ke kwati milawat ke matin. Âpme in kegogak kululuŋgalen milawat tazin ke tisât nâwep beme in winde bewewen an ŋenaŋ bempti makwazin kegok winde bewep.

²⁵ Am ekŋenaŋ msalen kanzowak msâti sesep mulup tagoŋgoŋepiŋ mti kwitnaŋ kwitnaŋ notnaŋ ekseŋeŋaŋmak mti mamaip. Ekŋenaŋ msalengalen milawat sakwep waleletgalen keyet kegok mamip. Nin mama kanzizitgalen milawat kululuŋen kanzizit matazin keyet kegok mbanup.

²⁶ Nenn kegogak piliŋ bembenaŋ ke ektati keyet esemteŋ mawindem beyap. Neŋ nasamek belak tungupman kileŋ kuma elepema mezin weyaŋti teŋ maeleyap.

²⁷ Neŋ am Kawawaŋgalen Zet Zapat Dolakŋaŋ Penan manzemkawaŋ bemindanetiŋgut nenn zet ke ku mâti mbap beme walelet aikbap keyepm sekŋnaŋgalen tikŋaŋ igak igak ke mtotpempti nen damuŋ mma etaŋ mamain.

10

Israel myuŋguŋguŋinaset ningat golaŋti titiŋaŋ

¹ Kilaismagen notnne, neŋ eweŋan yeŋsokŋne ekŋenaŋ Moses mâti mama mimi mkwabien keyet zapatnaŋ mimindama nâit. Ekŋen ilindiŋ zanzayaŋ indautukekme meti nembu diliŋ zem metat kotat mme Kawawaŋaŋ atamtapme tuŋgupmaset walelepiŋ nembelen mepatan zewien.

² Âpme ekŋen am maŋge kwep Mosesiyaŋ ŋeŋaŋ bemindeme ekmak zanza mâbien ma nembu diliŋ zemti metakotat mti katime tuŋgupmaset mebien.

³ Âpme ekŋenaŋ ilinsakwep tambu katan Kawawaŋgalen Emetak Teŋaŋ mme kululuŋengatnaŋ meu sepemaŋ kwep matotan ke nimbien.

⁴ Ma ekŋenaŋ Kawawaŋgalen Emetak Teŋaŋ nanaŋ kapilaŋ sepemaŋ igagen keyetnaŋ tu mme kwapme ekŋen ilindiŋ nimbien. Nanaŋ kapilaŋ ke Kilais iŋŋaŋ nembonŋ. Egaŋ deset ma deset mebien ke ekŋengat windeninaŋgat yaŋaŋ ŋotekŋaŋ penaŋ tapme mamamtemien.

⁵ Kawawaŋaŋ kwitnaŋ kwitnaŋ sambe weyaŋindeyeyaŋgut sambeyaŋ Kawawaŋaŋ nâŋge kogok ku mambiengapm egaŋ zemindeme msat zetik mimindendeŋaŋ ku mebegalen zemti notnaŋ indeme msat tuŋgupman amnaŋ ku maiwen gakiwien.

⁶ Ekŋenaŋ mama mimi bekananŋ msâgât keŋin temaŋ wemindaye keyepm ekŋenmagen kwitnaŋ kwitnaŋ sokbeye. Keyaŋ ningat golaŋ tin mneti nin kegogagak mbenekmagengat.

⁷ Kawawaŋgalen zet Itnaŋaŋ papiaen meluwan pigok mimiŋaŋaŋ tazin,

“Am ekñenaj nopiomgat kandañan totati tu meu
nimwianñi silik kumti wendiwien.” (*Kisim
Bek 32:6; Makuku 25:1-3*)

Ekñenmagen notnañaj nopiom sesewatpewien.
Nin sepem kegogak ku mbanup.

⁸ Ekñenmagen notnañaj kegok mme kasup kwep
keyet Kawawañaj am sambe penañ (23 tausen)
indawalege keyepm nin set kileñ ekñenaj mam-
bienok ku mambanup.

⁹ Ekñenaj Kawawañ m ekmeyepm Kawawañaj
nombe zemindeme koti indime gakiwien.
Kegogapm nin Amobotnañgat m ek m ek
mimiyelen yom omba penañ ku mmobanup.
Penañ, egañ dopmañ ekñen gilik zemindayenok
ndawe.

¹⁰ Âpme in Kawawañgat kwileki ñen ku tatndain
zemti kwelat zet ku dunduwep. Ekñenmagen
notnañaj kegok mme ensel am indome gakikiye-
lenaj koti indome gakimâbien.

¹¹ Âpme msat kululun asesekgalen kanañ
bududuk tabeme manupgapmti ekñenmagen
kwitnañ kwitnañ sokbeye ke ningat golañnok
bein. Nin ekñenaj mama mimi mgasik mbien
kegok ke ku mne.

¹² Âpme an ñenañ nâme egañ Amobotnañgat
nâmkinpepeñaj tazingapm tetimaen katikñañ
benak nâin egañ weyañeksewe. Enenogat ek ñep
tetimaeme am itnañaj ekñenaj yom mbienok
mnañ.

¹³ Inmagen tetimaemae masokbein sepem
kegogagak am sambe masokbemindain. Âpme
Kawawañaj zemkatik bembenañ mamâzin

keyepm egañ peme tetimaemaeyañ ingalen winderin angosomti ku masokbein. Yangut tetimaemaeyañ inmagen masokbein beme Kawawañañ indamukulem mimiyele setnañ ñep weyañme in katik bem tapme tetimaemae keyañ ñep ku mamtoindein.

¹⁴ Keyepmti Kilaismagen notnne penañ, in nopiom masesewatindep ke bamkumpemti kunzunit.

¹⁵ In zet opeem nânâyelen nânâñin tazin keyepmti zet kapi zema ilin opeemti nâseip.

¹⁶ Okowen wain mannup kan keyet nin Kilaisiyet sipmañ ningalen yomgat mti mulage ke otnâmti nin keyet Kawawañgat wisikñ manzenup. Âpme nin wain mannuwen kan keyet nin am sambe Kilaisiyañ ekñengat yominangapm sipmañ mulage ekñengat bulinan tusunup kekok masokbein. Âpme nin nupmamañ mutumti mannuwen kan keyet nin Kilaisiyañ gakimti sekñañ ningalen yomgat dopmañ ndaye kan keyet maotnânup. Nin kogok mti am sambe Kilaisiyañ ekñengapmti sekñañ talasiye ekñen keyet bulinan tusunup kekok masokbein.

¹⁷ Keyepmti nupmamañ kwepnok âpme nin sambeyañ nupmamañ ikñañ kwep ke man-nup. Âpme nin nupmamañ nsakwep mannuwen keyañ nin butnañ sambenok keyañ ondekti sek kwepnok benup kekok masokbein.

¹⁸ Âpme ñen pigok zema nâit, Zuda am sambe kwi ñenañ sâpe sâpe meu sisak dukñañ bum-buñañ manip ekñenañ ilinsakwep sisak keyelen Kawawañ masesewatsaip.

¹⁹ Neŋ zet notnaŋ zemkwala keyet in nâmkilen bemi nâgât egaŋ nopiomgat sâpe sâpe me u sasaŋ keyet nâme sâpe sâpe penaŋ bein ma nopiomgat nâme Kawawaŋ penaŋ bein. Kegok ke yek.

²⁰ Yaŋgut neŋ neman guluk gilik tazeyap ke am Kilaisiyet ku manâmkinpeip ekneŋaŋ nopiomgat sâpe sâpe mambumsaip ke wa Kawawaŋgat yek. We bekaŋaŋ masesewatpeip bein. Kok keyepm neŋ in we bekaŋaŋmak tususuyelen ku nembein-gapmti ekneŋ eksemindendepiŋ.

²¹ In Amobotnaŋgalen okowen wain nti naman dembusek kwep keyaŋak we bekaŋaŋgalen windey et tazemopenik keyaŋ pembeŋaŋ yek. Ma in nupmamaŋ Amobotnaŋaŋ ikaŋaŋgat sekaŋaŋ otnâmti niniyelen ningat ndaye ke nti naman dembusek kwep keyaŋak we bekaŋaŋgat soŋgom sasaŋaŋ ke neŋ ku niniyelen.

²² Nin kogok mmann Amobotnaŋaŋ ningat keŋ kuku mti neŋzinziŋ penaŋ mbe. Nin nâmann nin windenmak beinaŋgut egalen musuwewet ke nin neŋ ku sebempeyelen penaŋ.

Iliŋaŋgat etaŋ otnâna keyaŋ pembeŋaŋ yek

²³ Am notnaŋ, “Kwitnaŋ kwitnaŋ sambe kapi neŋ mimiyelen,” kegok tazeip yaŋgut kwitnaŋ kwitnaŋ ke mma neŋ ku napmukulem mbe. Kwitnaŋ kwitnaŋ sambe tapmezin keyaŋ nâmkipepen katikaŋaŋ bemi mamayelen setnaŋ ku kabemndawe.

²⁴ Am nâmkipepemak neŋaŋ kwitnaŋ kwitnaŋ ikaŋaŋ mukulem mimiyelen etaŋ ku mbe egaŋ na-

man am notnaŋ indamukulem mimiyelen keeset mbe.

²⁵ In soŋgom kwitisât omkwiti kwitim mundumanen meti soŋgom ke nopiom sâpe sâpe sasanŋ keyet yaŋkwesisipiŋ ŋep kwitiwep.

²⁶ Enenogat Kawawaŋgalen Zet Itnaŋŋ kapigok zenzenŋ,

“Msat ma kwitnaŋ kwitnaŋ sambe msat palen tazin ke Amobotnaŋgalen etaŋ.” *(Sam 24:1)*

²⁷ Am Kilais ku nâmkinpein ŋenaŋ tu meu weyaŋbemti indazemtetime keŋinan mobogalen indembeme ŋepgat ekŋengalen mkaen mowebep. Mowepme ekŋenaŋ tu meu indame nâmtetem mti nopiomgat sâpe sâpe bumbu mundumaŋgatnaŋ kwitiyo zemti ku indayaŋkwesiwep. Belak nimbep.

²⁸ Yaŋgut in nsâgât tapmme an ŋenaŋ pigok diindowe, “Soŋgo kapi nopiomgalen sesewat mkaengatnaŋ.” Zeme nâmti in ke ku nimbep. An zet zemkawaŋ bemindawe egat otnâmti meu ke ku nimbep mneti ŋoktikŋinaŋ nâmnukŋaŋ mbepgat.

²⁹ Wa in nâme bekanŋ beingapm ku nimbep kogok ku zeyap yek. An ŋen keyaŋ nâme bekanŋ bein egat mti ku nimbep. Yaŋgut an ŋenaŋ kapigok mene zein, “Neŋ kwitnaŋ kwitnaŋ keŋnan nâma ŋep mimiyelen bein beme an ŋenaŋ nâme bekanŋ bein beme keyepm egaŋ neŋ ŋep ku zemkulumneneyelen.

³⁰ Neŋ Kawawaŋgat wisikŋ zemti niyap beme an belakŋaŋ ŋenaŋ, ‘Geŋ an bekanŋ,’ ke ŋep ku

zenak. Enenogat neŋ kwitnaŋ kwitnaŋ sambe msat palen tazin ke Kawawaŋgalen etaŋ nâyap.”

³¹ Notnaŋ kogok zewien mene mme neŋ kapigok zesowap, in tu meu nimbep ma kwitnaŋ kwitnaŋ sambe mbep ke in mme Kawawaŋgat kwitnaŋ m onzempepeyet nâmti mbep.

³² In kwileki ŋen mme Zuda am ma am Zuda maŋgeen ku sokbembeŋaŋ ma Kilaisiyelen am nâmkĩŋpepeŋinmak ŋen setnaŋ bekekme Kawawaŋ zetnaŋ ku mâbeyet eksewep.

³³ In neŋ mamiyapnok mamambep. Neŋ kwitnaŋ kwitnaŋ sambe mamiyap ke mma annaŋ oloŋen mimiyelele nâmti mamiyap. Nanaŋgat pembedaŋnaŋgat etaŋ ku mamiyap. Neŋ kegogak am sambeyet pembedaŋnaŋgat nâmti mma am sambe Kilaisiyaŋ aŋgalaŋindendeyet nâmti mamiyap.

11

¹ Neŋ Kilaisiyelen set kaisasat ekti mâti mayap. Âpme in kegogak nâlen set kaisasat ke ekti namât mambep.

Silik dundundu mimiyelele zemâtâtât

² In Zuda am ekŋengalen mama mimi mâti mamayet neŋ zemâtâban keyet kataŋ mamaip keyepmti ingat nâma dolakŋaŋ penanŋ beme oloŋen miyap.

³ Âpme pi naman Zuda am ekŋengalen mama mimi ŋengat zet kapigok zema nâit. Angat yaŋaŋ Kilaisimagatnaŋ kozin. Âpme imbi kogogak egat yaŋaŋ anmagatnaŋ kozin. Âpme Kilaisiyet yaŋaŋ Kawawaŋmagatnaŋ kozin.

4 An ñenan bunduñ ñokñanen munduñ tati dapmelançe tunjuwinan dunduwe ma Kawawanğalen zet zapat dolakñan zewe beme eğan Kilais sakambuk sawe.

5 Ma imbi ñenan sanğum ñokñan ambululupin tati dunduwe ma Kawawanğalen zet zapat dolakñan dapmelançe tunjuwinan zemkawan bewe beme eğan apman sakambuk sawe.* Kogok min beme eğan imbi ñokñan pilik pilik kwanzetpepenan nembon bein.†

6 Keyepmti imbi ñen sâk ambululupin mame ñok sinan antim pewep. Ma eğan keyet sakam mti ñok sinan antitipin mbe beme ek sâğan ñokñan ambulut be.

7 An in ñokñin ondedagen sumumuñpin enenogat inimagesetgatnan ñep Kawawanğat sakaman ma kwitnan mamsokbein. Ma imbi inimagesetgatnan ñep angat kwitnan mamsokbein.

8 Neñ keğok zeyap enenogat Kawawanğan an kukñanğat mti anmagengatnan imbi mge. Imbimagengatnan an ku mge.

9 Kawawanğan an imbiyepmti ku mimiñan. Eğan imbi angapmti mimiñan.

10 Keyepmti imbi apmanğat eksempeinan ondedagen sanğuman ñokñan ambuluti mamezin enenogat ensel ekñenan taekgip.

11 Yanğut am Kilais nâmkinpepmi maiwan imbiyan apmanğat mukuleman bein ma anan kogok imbiyanğat mukuleman bein.

* 11:5: Ke Zuda am ekjengalen set keğok matazin. † 11:5: Imbi set kilen inda aikti ñokñin makwanzetindeip ke Zuda am ekjengalen set keğok matazin.

¹² Kawawaŋaŋ imbi kukŋaŋgat anmagengatnaŋ mge keyepmti naman alak imbiyaŋ an mammsokbeip. Kogok keyaŋgut eget ma kwitnaŋ kwitnaŋ sambe Kawawaŋmagengatnaŋak sokbewien.

¹³ In nâmkijpepenjinmak, ilinak weyaŋ nâmatâlit. Inmagengatnaŋ imbiyaŋ dapmelaŋge tuŋguwinanen Kawawaŋgat dundusât nâwe beme egaŋ ŋokŋaŋ sâk ambululupin mbe beme keyaŋ pembenan yek. Imbi in ŋokŋin ambulubep.

¹⁴ Kogok keyepm in kapi ekme penaŋ bein enenogat kwitnaŋ kwitnaŋ setnaŋ talip in nâip. Nen pigok egip an ŋenaŋ ŋokŋaŋ sinaŋ teepman peme tozin beme ke sakam bukŋaŋmak.

¹⁵ Yaŋgut imbi ŋenaŋ ŋoksinaŋ peme teepman tozin beme nin nâmann keyaŋ mme sepemaŋ dolakŋaŋ bein. Enenogat ke Kawawaŋaŋ ikŋaŋ imbiyaŋ ŋoksinaŋ teepman kogok toti kwatan tapme mamayet nâmti beye.

¹⁶ Am ŋenaŋ zet kapiyet nâme ŋep ku beme mdândâsât setnaŋ zulutbe beme kapiwok nâmbeset kapi Kawawaŋgalen dapmelaŋge sambe nin mâti mamnup.

Amobotnaŋaŋ tu meu ndandaŋaŋ

¹⁷ Âpme neŋ tambuŋalem zigok niniyelen ke zemzikat indasowap. Neŋ in set mamip keyet zemesewatindendeyelen yek. Enenogat set in alak kapi tapmip kapiyaŋ indamukulem mme Amobotnaŋ Kilais nâmkatik bempemti zetnaŋ gawepumti yek. Keyaŋ naman mme in Amobotnaŋ nâmkatik bemti zetnaŋ gawepupuyelen mme naman bakŋaŋ betobep.

18 Kukņangāt neļ pigok zesowap. Neļ zet pigok nâwan in tambuņalemgāt ke ondaktiņgut tuņguwinangātņāņ am notņāņāņ zet mopmtot mti kalalaņ mawen. Am notņāņ zapat kegok mnawien ke naman nâma bugan penaņ penaņnok beye.

19 Yanğut inmagengātņāņ maņge denenaņ set pembenaset kwitņāņ kwitņāņ tapmip ke ņep ekmâtâtâtgalen ke kapigok, ekņenaņ maņge temaņ katikindemti kalaņti sokbemkawaņ bem-beyelen mamip.

20 In ondekti tambuņalem nsât koti tu meu bumti koti nolineneyet zikat gatņan mti tatņip. Kegok ke in tapmip.

21 In sambeyaņ meuņin timkoti nolineyet damuņ tatapiņ sakwep maņip. Ņenaņ igak kambak balaņ mmepme ņenaņ meuyet mamimti melip ma notņāņāņ wain omba penaņ nimti keņ kilen mamip.

22 In tu meu etaņ nsât nâmti ilinaņgāt mkaņinan manimambep enenogat in Kawawaņgalen dapmelaņge ondegiiwen in ku maeksemindeip ma am bekopsat ekņen sakambuk maindaip. Neļ keyepmti ingāt zigok zenzeyelen ke ku nâmâtâlap. Keyepmti neļ keyet oloņen ņep ku mimiyelen.

23 Neļ zet kapigok Amobotņaņmagen tiwanen ke in zemâtâtindama delaņ zeye. Tam-buyet Amobotņaņ Zisas Zudasiyaņ Zuda am ekņengalen an ņeņaņ ekņenmagen zemkuye kan keyet Amobotņaņāņ nupmamaņ mti

24 keyet Kawawaņgāt wisikņ zemutumti zeye, “Nupmamaņ kapi nanaņgāt sekņnok ingāt yomin

katikpepeyelen indawap. Nimbep katanj nâgât otnâpej mamambep.”

²⁵ Meu nime delanj zeme wain okop sakam kegogak mtati pigok zeye, “Wain kapi nanangat sipmnok. Tâtâ Alakñan sipmnanj miap. Nimbep katanj nâgât otnâpej mamambep.”

²⁶ Kok keyepm in nupmamanj ma wain kapi manimambep katanj Amobotnangat gakikiñangat zapatnanj zemkawanj bepej manepeme ikñan kobe.

²⁷ Keyepmti an ñenanj set pembenanj ku mâti nupmamanj ma wain nti keeset eganj Amobotnangalen sip sesumbananj ku eksempepgapmti yom mip.

²⁸ Keyepmti am ñen nupmamanj ma wain nsâpmti ikñangat keñangat yananj nâmâtâti nimbe.

²⁹ Ñen eganj Amobotnangat sekñanj keyet yananj ku nâmâtâti nupmamanj ma wain nimbe beme Amobotnananj zemkuwe.

³⁰ In notnanj set pembenanj ku mâti Amobotnangalen tu meu manipgapmti zawat suksuk ma sek sindem matip ma notnanj gakiwien.

³¹ Yanjut nnanjat yanj ekmâtâti nimbanup beme Amobotnananj ku zemndowe.

³² Yanjut Amobotnananj yanj msokbemti mandamusuwezin kogok mme eganj am Kilais ku nâmkiñpeip ekñen nsakwep ku zemdelanj zemndowe.

³³ Keyepmti Kilaismagen notnne, in nupmamanj ma wain nsâti am sambe ilinsakwep ondekme delanj zemenjut yanjbemti manimambep.

³⁴ Nenan meunangat penan mbe beme egan meunang mkanan nimtingut bam kobe. Mneti ondedak ke myungunepeme Kawawanang zemkuwe.

Zet notnan notnan ke nen kotingut zemâtâtindawap.

12

Emetak Tenang taolet yanang yanang mulupmangat mandain

¹ Kilaismagen notnne, neŋ Emetak Tenang mulupman am nâmkijpepenimk ekŋengat mananinan zigok mamm yanŋwesisi keyelen dopman gilik zesowap. Neŋ in kapi weyanŋi nâmâtâtâgalen nâyap.

² Ilin nâmtalip in itnanang tambusosop keŋan mambienen nopiom yanang yanang mananpin pedondom indamti masesewatindemtemien.

³ Keyepm neŋ nembetnan pigok diindosowap: An nen ek Kawawanngalen Emetak Tenang keŋan m elen beŋ beme egan pigok ku zenak, “Zisas geŋ zemtalat geyap.” Ma nen Emetak Tenang keŋan ku m elen beŋ beme egan pigok ku zenak, “Zisas ek Amobotnan.”

⁴ Emetak Tenang taolet yanang yanang am nâmkijpepenimk sambe ke mulupmangat winde indame mamip. Yanŋut Emetak Tenang ikŋan kwep keyanak am nâmkijpepenimk taolet sambe ke maindain.

⁵ Amobotnanngalen mulup kwep kwep am nâmkijpepenimk sambeyan mimiŋyelen maindain. Yanŋut Amobotnan ikŋan kwep

keyañak ikñañgalen am sambe mukulem mimiyele mulup ke maindain.

⁶ Ma Kawawañañ mulup mimiyele am nâmkijpepeñinmak kwep kwep winde sepem igak igak maindain. Yanğut Kawawañ ikñañ kwep keyañak ikñañgalen am sambe mulup mimiyele winde maindain.

⁷ Emetak Teñañ am nâmkijpepeñinmak taolet sakam ikñañ ikñañ maindainen keyañ msokbeinen Emetak Teñañ am ñeniyet tuñguwinan mulupmañ penañ tapm. Kogok mimindainen am sambeyañ mukulem titiyet nâmti mamm.

⁸ Emetak Teñañ nânâ dolakñañ nânâyelen taolet same egañ am Kawawañañ mama mayelen nâmtikñañ mam ke manzemkawañ bemandain. Emetak Teñ ikñañ kwep keyañak am nâmkijpepeñinmak taolet sambe ke maindain.

⁹ Ñen Emetak Teñ ikñañ kwep keyañak taolet mpeme Kilaismagen nâmkijpepeñañ kalijañ penañ tatagalen masain. Ma ñen ek Emetak Teñ ikñañ kwep keyañak am zawat mme alik bembeyelen taolet masain.

¹⁰ Ma ñen Emetak Teñ ikñañ menok notnañ mimiyele taolet masain. Ma ñen ek Emetak Teñañ buñam zapat same timti dapmelañge ondedageñinan mandiindon. Ma ñen ek taolet mpeme winde ke Kawawañmagengatnañ makozin ma we bekañmagengatnañ ke maekmâtâzin. Ma ñen taolet zet mamananañset zemkawañ bembeyet masain ma ñen ek taolet zet mamananañset zeme nâmti am zelinaset gilik zemindandayet masain.

11 Emetak Tenj ikñan kwep keyanək taolet sambe kapi mulup sambeyet winde am kwep kwep maindain. Mti Emetak Tenj ikñangət keñangətñan am nâmkinpepenimək sambe taolet sepem ikñak ikñak makalan kumti indain.

Sekñ butnan butnan ekñen muluwin ikñak ikñak yangut sek ek kwewetan

12 Am nin sekñ kwewetan yangut sekñ butnan butnan ekñen sambeyan muluwin ikñak ikñak penañ mamiwanğut ekñen keyan ondekti sek kwegat mulup mamip. Kilaismagen sepem kebonək tazin. Nin am sambeyanğut manğe kwep benup ma manğe ke Kilaisiyelen sekñan.

13 Notnan nin Zuda am ma notnan Zuda manğeen ku sokbembenan ma notnan sisilin kuku an etan ma notnan lala bubuk etan mamayet Emetak Tenj kwep keyan nin sambe sek kwep kekok mamayet temakwep ondekndeye.

14 Âpme sekñ ikñan ke butnan kwep etan yek; sambe penañ.

15 Keyepmti setnan kapigok ñep ku zenzeyelen, “Neñ bet yek keyepmti neñ sekmagen etimti nanak etan mepmamambap,” kekok ñep ku zenak.

16 Ma wagan kapigok ñep ku zenzeyelen, “Neñ zikat yek keyepmti neñ sekmagen etimti nenak etan mepmamambap,” kekok ñep ku zenak.

17 Sekñnan zikat etan bemâdak ze zigoset zet nânak? Ma wak etan tamâtnak ze zigoset kambe sesik nânak?

18 Sekŋ ikŋaŋ tazin kapigok Kawawaŋaŋ ikŋaŋgat keŋaŋgalak butnaŋ butnaŋ ikŋaŋ nâŋge nogak beye.

19 Sekŋ butnaŋ sambe sepemaŋ kwewetaŋ ze sekŋ kapiyet sekŋ ku zewanek.

20 Sek ikŋaŋ tazin kapigok butnaŋ sambe yaŋgut sekŋ penaŋ kwep.

21 Âpme zikalajaŋ betgat pigok ŋep ku zenak, “Neŋ gepiŋ ŋep mambap.” Ma ŋokŋnaŋ setn zutgat pigok ŋep ku zenak, “Neŋ itpiŋ ŋep mambap.”

22 Kogogapm sekŋ butnaŋ notnaŋ nâmindema windenjipiŋ mambeip; ekŋenpiŋ beme sekŋnaŋ dolakŋaŋ penaŋ ku tadak.

23 Nin sekŋ butnaŋ nâmindemann tototnaŋ mambein ekŋen indikdamuŋ dolakŋaŋ mamnup ma notnaŋ sakambukŋaŋmak maŋgalaŋindenup.

24 Sekŋ butnaŋ notnaŋ sakamaŋ pembenajaŋ ekŋenaŋ sosok matamâlíp. Kawawaŋaŋ sekŋ mmeti sek butnaŋ notnaŋ tototnaŋ yaŋgut mulup temaŋ indaye.

25 Ke sekŋ butnaŋ ekŋenaŋ epeemti kileŋ mekokopiŋ sisiliŋ mulup sakam kwep penaŋ mimiyet nâmti kegok mge.

26 Keyepmti sekŋ butnaŋ kemak ŋenaŋ sindem nâme sekŋ sambe ekŋen sindem mambein etaŋ. Ma ŋenaŋ zemsesewatpeme ekŋen sambe ekŋenaŋ kemak oloŋen mammâlíp.

27 Inmagen kegok bein. In sambeyaŋ temakwep Kilaisiyet sekŋaŋ beip. Ma in kwep kwewaŋ sek keyet butnaŋ butnaŋ bep.

28 Kawawaŋ egaŋ amŋene nâmkĩpepemak maŋge ninmagen am kapigok taolet mimindamti indem mege.

Neŋaŋ an ombemindemti buŋam zapat zemkawaŋ bembeyelen indeye,
 keyetnan golaŋ zenze an,
 keyetnan am zikat indanda,
 keyetnan am menok mimiyeleŋ,
 ma am zawat sek sindemak
 weyaŋindendeyelen,
 keyetnan am mukulem mimi
 ma am damuŋ
 ma zet mamanamaŋ ikŋak ikŋak zenzeyet am
 indaye.

29 Kawawaŋaŋ am sambe ombemindemti buŋam zapat zemkawaŋ bembeyelen an etaŋ taolet ku indaye. Ma am sambe golaŋ zenze an bembeyet taolet ku indaye. Ma am sambe an zikat indandayelen taolet etaŋ ku indaye. Ma am sambe menok yaŋaŋ yaŋaŋ mimiyeleŋ taolet etaŋ ku indaye.

30 Ma am sambe zawat sek sindemak weyaŋindendeyelen taolet ku indaye. Ma an zet mamanamaset zenze keyelen taolet etaŋ ku indaye. Ma am zelinaset zemguluk gilik mimiyeleŋ taolet an etaŋ ku indaye.

31 Yaŋgut neŋ in Emetak Tenmagatnaŋ taolet mobotnaŋ ke indandayelen omba penaŋ indembewe. Keyaŋ indamukulem mme mulup dolak dolakŋaŋ dapmelangeyet tuŋguwinan ŋep mimiyeleŋ. Kegogapm neŋ set pembenanaŋ ŋen kapigok zikat indasowap.

13

Am nâmkijpepeninmagalen gogot

¹ Âpme neŋ taolet ŋen zet mamanananŋ zenezeyet nananŋanŋ ma ensel ekŋengalen zet ŋep zeyap yanŋut am ŋengat gogot ku miap beme neŋ belo ma gwesim nembonŋ kwisakŋ yanŋepiŋ namba isikŋanŋanŋ kunak kebonŋ.

² Ma neŋ Kawawaŋgalen buŋam zapat timti dapmelanŋe ondedagenŋinan diindowak ma neŋ Kawawaŋanŋ kwitnanŋ kwitnanŋ bam mme sokbembeyelen enzilim tazin ke nâwak, ma neŋ am Kawawaŋanŋ mama mamayelen nâmtikŋanŋ mam ke ŋep manzemkawaŋ bemindama delanŋ penak ma nâmkijpepe kaliŋanŋ name Kawawaŋ dundum sama winde name kalaŋ zempema piyetnanŋ kainde medak yanŋut neŋ am ŋengat gogot ku mimindawak beme neŋ belakŋanŋ penanŋ beap.

³ Âpme neŋ milawatn kalop bemti am tototnanŋ ekŋen indawak ma sekŋ Kawawaŋgalen Zet Zapat Dolakŋanŋ Penanŋapm ketalasimindama kumti buwiek yanŋut am ŋengat gogot ku mbak beme neŋ belakŋanŋ penanŋ beap.

⁴ Am keŋinanen gogolaŋ misik tazin ekŋenanŋ sindem indame dopmanŋ ku mutumindaip ma sindem indame keyet peme weme dopmanŋ pembenanŋ mamimindaip, ma eyak ku mamip ma ilinanŋat mamponŋanŋin ku kumti kwilinŋ ku mamwalip.

⁵ Ekŋenanŋ am nolineyet sekŋeyak ku mamin indaip; ekŋengat nâme mobotnanŋ mambeip. Ma ilinanŋat etaŋ nâme ku mamolip ma ŋenzinŋ

sakwep ku mamip ma myuŋgum indame keyet nâmbekambembe teepmaŋ ku mamm maip.

⁶ Am gogolinmagaŋ bekaŋaŋ palakŋaŋ bemepme keyet nâme pembenan ku mambein yaŋgut ekŋenaŋ mama mimi dolakŋaŋ palakŋaŋ bemebeyet nâme pembenan mambein.

⁷ Ekŋenaŋ nukŋaŋ sepem ikŋak ikŋak ke nâme betetnaŋ beme mapuip, ma am ŋen ekŋekŋengat ku manâmbemindeip. Ekŋenaŋ am notnaŋaŋ mamaŋin gilik zeme pembenanen kokogat webepen mamaip. Nukŋaŋ sambe sokbemindame ekŋenaŋ katikŋaŋ bemti matalip.

⁸ Gogot ke delaŋ zenzenepiŋ. Âpme Emetak Teŋgalen taolet golaŋ zenze an kapi delaŋ zenzenaŋmak ma Emetak Teŋgalen taolet zet mamananaset zenze kapi kegogak delaŋ zenzenaŋmak. Ma Emetak Teŋgalen taoletnaŋ kwitnaŋ kwitnaŋ yaŋaŋ nâmâtâtât kapi kegogak delaŋ zenzenaŋmak.

⁹ Enenogat alak pigogat Kawawaŋgalen mama butnaŋ etaŋ nâmti ke dapmelanŋe ondedakginan buŋam zapat butnaŋ etaŋ ke mandiindonuwaŋ

¹⁰ bangat Zisasiyaŋ ikŋaŋ kopmegulak taolet ekŋen kapi delaŋ zeme nin kwitnaŋ kwitnaŋgat yaŋaŋ nâmâtâbanup enenogat Kawawaŋ ikŋaŋmak tapmann kegok sokbewe.

¹¹ Neŋ nemba isikŋaŋ mambanen zet ma man ma otnânân nemba isisigaŋ mamip keyet kataŋ otnâmti mammteman. Yaŋgut maneti an temaŋ bewan kan keyet nemba ekŋengalen nânâ ke pema temege.

¹² Alak pigogat Kawawaŋgalen yaŋaŋ isikŋaŋ

bugan nâmâtâtñup yañgut bamgat Zisasmak sokñan tati zikalañ dopmañ ek dopmañ ek mbanup. Alak kapiyet Kawawañgat yañañ butnañ butnañ etañ maeknâmâtâtñup yañ kan keyet egat yañañ nâmâtâpmann delañ zewe. Kawawañañ nâgât yaññ nâme delañ manzein sepem keboñ neñ egat yañañ eknâm mman delañ zemâpbe.

¹³ Alak pigogak mama mimi kapigok wem ndame tapmanup; Nâmkiñpepemak mama ma Zisasiyet kokotnañgat webemti mama ma gogot mti mama. Ekñen tuk kegogañ talip, yañgut ekñen kemagengatnañ gogot palen mama keyañ egat zut ke sebemitdemti dolakñañ penañ bein.

14

Emetak Tenjalan taolet kapiyañ ñeñañ penañ bein

¹ Kogogapm in am sambe gogot mimindewep. Mti Emetak Tenmagengatnañ taolet kapi titiyelen keñinan omba indembewe: Kawawañmagengatnañ buñam zet timti dapmelañge ondedagen diindondo mulup ke nâme mobotnañ bewe.

² Am ñeñañ zet mamanamaset manzein egañ amgat yek; Kawawañgat etañ manzein ma keyañ ek etañ mamukulem mpein. Egañ Emetak Tenñañ zet ke zenzeyet keñañ m elen beleñ mpeme manzein mme am ekñeñañ yañañ ku manâmâtâlíp.

³ Keyaŋgut am ŋenaŋ Kawawaŋgalen buŋam zapat manzemkawaŋ bein egaŋ am zet ke diindome keyaŋ nâmkijpepeŋin bandim mamindein ma mamaŋin gwatnaŋ mamin ma keŋin mamkipmaŋ bein.

⁴ Zet mamaŋamaset manzein egaŋ ikŋaŋgat keŋaŋ mambutein yaŋgut Kawawaŋgalen buŋam zapat manzein egaŋ am nâmkijpepeŋinmak mgwatnaŋ mam indein.

⁵ In zet mamaŋamaset zeme neŋ ingat nâma ŋep penaŋ bein, yaŋgut naman Kawawaŋgalen zet zapat zemkawaŋ bembeyelen an beme neŋ keboŋ keyet nâma pembenan penaŋ mambein. Kawawaŋgalen zet zapat manzemkawaŋ bein egaŋ am zet mamaŋamaset manzeip ekŋen bugan silim indem talip. Yaŋgut ekŋenaŋ zet mamaŋamaset zem meti keyet yaŋaŋ am nâmkijpepemak zemâtâtindandayelen an ŋen tazin beme dapmelenge ekŋenmagen mukulem ŋep omba penaŋ sokbenak.

⁶ Kilaismagen notnne, neŋ inmagen koti zet mamaŋamaset zewak beme nâlen zet mamaŋamaŋ keyaŋ in zigok indamukulem mindenak? Inmagen kopmambak mene ze Kawawaŋmagengatnaŋ nânâ zet katnaŋ mzikat nayeen ke ma Kawawaŋgalen nânâ dolak dolakŋaŋ ma Kawawaŋgalen buŋam zapat zemkawaŋ bemindawak ma Kawawaŋ nâmkijpemmamayelen zemâtâtât notnaŋ in kot zemzikat indandayelen keboŋ timti kobak.

⁷ Gwasim ma gita kulele belak etaŋ kuma kwitnaŋ kuwaŋgut silik ŋandaŋaŋ ku mâti kun beme amnaŋ yaŋaŋ ŋep ku nâmâtâtâgalen.

⁸ Ma lumun ondedagat makumbuiwen katnaŋ ku kumbuyo beme kwilekiyet takup ke ɲep ku nâmbek.

⁹ Ma in kegogak zet mamananaset belak kwisak etaŋ takume notnaŋ ekɲenaŋ zigoset zet keyet yaŋaŋ nâmâtâbe. E to zeme met penanepiŋ mambein.

¹⁰ Msat sambe katan zet sepemaŋ ikrɲak ikrɲak penan wemezin yaŋgut zet zeip ke am manje keyelenaŋ ɲep yaŋaŋ zigogat tazeip ke nâyo.

¹¹ Yaŋgut neŋ zet ke ku weyaŋ nâmâtâbap beme zet toŋaŋ egaŋ nâgât nâme kopa penan bewak ma neŋ kegogak egat nâma kopa benak.

¹² Âpme inmagen sakam kegogak tazin. Emetak Tenɲalen taolet inmagen sokbembeyelen manzeip e ɲep, yaŋgut in taolet ke timti am nâmkiŋpepemak indamukulem mimiyet windenan mbep.

¹³ Keyepm zet mamananaset animbi zet diindosât mbanik beme Amobotnaŋ dundum samane zedi ke gilik zenze winde game timtati zemti gilik zemindawanik.

¹⁴ Neŋ zet mamananaset ondedagen dundusât nâmti dunduyap beme nanaŋgat keŋ ma sekr mme pâpâyelen talayaŋgut yaŋaŋ zigogat miak ke ɲotkiŋnan penan ku alalep.

¹⁵ Keyepmti zigok ɲep mimiyelen? Zet mamananaset ondedagen dunduyap beme keyet yaŋaŋ ɲotkiŋnan sokbeme gilik zemindayap. Mme silik ɲen zet mamananaset ondedagen kuyap beme keyet yaŋaŋ ɲotkiŋnan sokbeme gilik zemindayap.

16 Ma geŋ ondedagen keŋdan zet mamana-maset Amobotnaŋgat zemesewatpemane, am ekŋenaŋ gâlen zet yaŋaŋ ku nâip beme ekŋenaŋ zigoset gamukulem mti keyet, “Ke penaŋ,” zewiek?

17 Geŋ dundundudanen Kawawaŋ zem olim pesât mene mti zet mamanamaset dundunak yaŋgut yaŋaŋ ku gilik zenak keyaŋ nodi ku mukulem mip.

18 Neŋ in bugan sebemindemti zet mamana-maset zet mamamanaŋ omba penaŋ manzeyap keyepmti Kawawaŋgat wisikŋ zemti mandundusayap.

19 Yaŋgut neŋ dapmelange ondedagen zet nâm taliwen Kawawaŋgalen buŋam zapat pemkwepmaŋ zema nâme tuluj telaŋ bembeyelen zelinan zema nâyo keyaŋ pembenan. Yaŋgut zet mamanamaset zemane amnaŋ yaŋaŋ ku nâme teepmaŋ zemti mandam mama ke pembenan penaŋ yek.

20 Kilaismagen notnne, zet zemkwala keyet yaŋaŋ eknâmâtât mimiyeleŋ ŋoktikŋinaŋ okak ekŋengalen sepem ku bewe. Bekanaŋ mimi ekŋenmagensetgut okak maipnok mambep, yaŋgut kwitnaŋ kwitnaŋ eknâmâtât mimiyeleŋ ŋoktikŋinan an temaŋ ekŋengalen katan bewe.

21 Zii zelen zet ŋen kapigok kumpepeŋaŋ matazin. Amobotnaŋaŋ zein,

“Neŋ am mamamanaŋ ma zelin igak ŋen zemindema ekŋenaŋ koti nenaŋgalen am maŋgemagen kobewen nâlen ŋenzinŋgalen piliŋnok keyaŋgut nâlen

amnaŋ ekŋenaŋ keŋin kaliŋaŋ bewe mme yomengatnaŋ gilik zem kwakwagalen ku nâmbep.” *(Aizaya 28:11-12; Zii Zet 28:49-50)*

²² Am zelin mamananamaŋmak kobien ke am Kawawaŋgalen zet ku nâmkijpewien ekŋengat piliŋnok nâmindeme kokotnaŋ yaŋgut ke nâmkijpepemak am ekŋengat zapat ku beye. Âpme naman Kawawaŋgalen buŋam zapat zemkawaŋ bembe keyaŋ am nâmkijpepeŋinmak ekŋenmageŋset pembenanŋ masokbein enenogat keyaŋ keŋin mbutemti mamananin mgwatnaŋ mamm.

²³ Kogogapmti am nâmkijpepemak sambeyanŋ ondek tati zet mamananamaset tazeme am nâmkijpepeŋinpiŋ ekŋenaŋ Emetak Tenŋgalen taoletgat yaŋaŋ ku nâiwaŋ kot indikti pigok zewep, “Am kapi keŋin kileŋ tabein.”

²⁴ Yaŋgut an Kawawaŋgalen buŋam zapat tazemkawaŋ beme am nâmkijpepeŋinpiŋ ekŋenaŋ Emetak Tenŋgalen taoletgat yaŋaŋ ku nâiwaŋgut koti zet ke nâme keyaŋ mama mimiŋin mgasik ke zikat indame ekti yayaŋ omba mbep.

²⁵ Âpme keŋanen kwitnaŋ kwitnaŋ bekananŋ maenzilim tazin ke sokbemkawaŋ beme msalen tot kusum tati Kawawaŋ zemsesewatpemti pigok zewe, “Kawawaŋ inmak penaŋ mamain.”

Silik dundundu msât setnanen mâti mbep

²⁶ Keyepm Kilaismagen notnne, in zigok penaŋ mbep? In ondebep kan keyet ŋenaŋ silik yaŋbeme kuwep ma ŋenaŋ Kawawaŋgalen zetgat yaŋaŋ zemzikat indam mbe ma ŋenaŋ

Kawawanmagengatnaŋ nânâ zet katnaŋ mzikat saye ke zemsokbewe ma ŋenaŋ zet mamana-maset zewe ma ŋenaŋ zet keyet yaŋaŋ gilik zewe. In kwitnaŋ kwitnaŋ silik dundunduŋinan mbep keyaŋ am nâmkijpepeŋin bandim mme katikŋaŋ bemtabe.

²⁷ Zet mamananaset zet zesâti sambeyaŋ yek. Am zut tuk mee kegok etaŋaŋ mbep. Yaŋgut kwewaŋ zeme kwewaŋ zeme kegok mme ŋenaŋ yaŋaŋ gilik zem zeme amnaŋ nâmbep.

²⁸ An zet gilik zenze timabep beme ondedak keyet keŋaŋ zet mamananamaŋ ku zewep. Egaŋ zesât nâmbep beme ikŋak etaŋ ma Kawawaŋgat zewe.

²⁹ Ma Kawawaŋgalen buŋam zapaŋaŋ zenzeyelen Emetak Teŋaŋ taolet indandaŋaŋ ekŋenmagengatnaŋ an zut ma tuk etaŋaŋ zewep. Âpme am notnaŋ ekŋenaŋ zet ke yaŋaŋ penan opemnâmbep.

³⁰ An ŋen Emetak Teŋaŋ Kawawaŋmagengatnaŋ nânâ zet katnaŋ mzikat same an keyaŋ zesât wabe beme an zet tazein keyaŋ notnaŋ zet zesât wazin ke ekti totabe.

³¹ Kawawaŋgalen zet zapaŋaŋ zemkawaŋ besâti ŋepgat zewep. Yaŋgut ŋenaŋ zeme nâm ŋenaŋ zeme nâm kegok mme am nâmkijpepeŋinmak ekŋenaŋ nâme keyaŋ keŋin mbuteme keŋin kikipmak mambeŋ.

³² Kawawaŋgalen buŋam zapaŋaŋ zemkawaŋ be-mbe an ekŋenaŋ zet zigok zigok zesenuŋ e yaŋaŋ ilinagak omkalili mulup mbep.

³³ Kawawaŋ ek myuŋguŋgu keyet ŋotekŋaŋ yek. Ek sewaŋaŋ mama keyelen Kawawaŋ.

An zikat indanda notnaŋaŋ dapmelaŋge ekŋengat tuŋguwinan zet kapi mamzikat indaip,

³⁴ “Ondedeginan imbi ekŋenaŋ zet zenzepiŋ belak tabep. Imbi ekŋenaŋ kekok mti tototnaŋ mambeŋ. Nin etaŋ ku zenup; zii zelen kekok zenzeŋaŋ tazin.

³⁵ Kwileki ŋen nânâyelen nâmti mkaŋinaŋ daenen awinemak zenâ zenâ mbep. Mneti imbiŋineyaŋ dapmelaŋge ondedagen zet zeme sakambukŋaŋmak bewe.”

³⁶ Zet ke nâma yeyengalen penaŋ bein. Kawawaŋgalen zet inmagen etaŋ sokbembeŋaŋ ma in ilinak etaŋ nâmamayet zet keyaŋ koindaige? Yek penaŋ.

³⁷ Inmagengatnaŋ ŋenaŋ ikŋaŋgat nâme golan zenze an ma Emetak Teŋmak mayap bewe beme egaŋ zet kumindayap kapiyet nâme Amobotnaŋgalen zemkatik beme bewe.

³⁸ An ŋenaŋ kekok ku nâwe beme, in eget nâme Kawawaŋgalen zet zapatnaŋ zenze an penaŋ ku bewe mti naman egalen zet nânâpiŋ.

³⁹ Keyepm Kilaismagen notnne, kapigok kwepgut nâseip. In Emetak Teŋgalen taolet Kawawaŋgalen buŋam zapatnaŋ zemkawaŋ bembeyelengut windenaŋ mbep ma taolet ŋen zet mamanamaset zenze ke ku bekekbep.

⁴⁰ Yaŋgut in silik duŋduŋuŋin ke weyaŋti ekdamuŋ mti esemteŋ mbep.

15

Zisasiyaŋ gakikiengatnaŋ gilik zem wawaŋgalen zetnaŋ

¹ Kilaismagen notnne, pi ewe Kawawaŋgalen Zet Zapat Dolakŋaŋ Penañ timkot diindoma nâmkijpemti timaip ke ewe windenŋaŋ beŋ atam kitik mtalip.

² Kawawaŋgalen Zet Zapat Dolakŋaŋ Penañ zemzikat indam mban keyet nâmkijpeme keyaŋ indaŋgalanindeye. Keyet Kawawaŋgalen zet katnaŋ ke weyaŋti atam kitik mti mamambep. Kegok ku mbep beme ingalen nâmkijpepe belakŋaŋ penañ bewe.

³ Zet ŋotekŋaŋ mobotnaŋ neŋ kukŋaŋgat zemâtâtnananŋaŋ keyegak inmagen koti diindowanen kapigok: Kilais ek eweŋan Kawawaŋgalen Zet Itnaŋanen zemâtâtpepenaŋ keyet katanŋ ningalen yommgat dopmaŋ gakiye.

⁴ Mti Kawawaŋgalen Zet Itnaŋanen zenzenaŋ keyet katanŋ kumti met am sumen bewienanŋ kasup tuk etaŋ tati naman gakikiengatnaŋ gilik zemti wage.

⁵ Gakikiengatnaŋ wati ŋeŋaŋ Pita sokbemsaye eyetnaŋ nembraŋane sokbemindaye.

⁶ Eyetnaŋ zet zapat zenze anene 500 sebempein kegogak sokbemindame ekmâbien. Am ekŋen ke ekbien ke notnaŋ gakiwien ma notnaŋ ekŋen ewe tapmaip.

⁷ Eyetnaŋ Zekop sokbemsamti met nembraŋane ekŋen ilindiŋ sokbemindaye.

⁸ Bam penañ neŋmagen pempetuk sokbemname ekban. Neŋ ekmak ku mamaŋaŋaŋgut kegok sokbemnamti an zet tim palakŋaŋ bem-beyet an bekananŋ neŋ nakumtetiye.

⁹ Neŋ an Kawawaŋgalen buŋam zapat

zempalakŋaŋ bembeyet ombemindemti indakumtetiye ekŋen kemagengatnaŋ neŋ towewenaŋ penaŋ. Tipman baenen neŋ Kawawaŋgalen manŋe indom walet mamteman keyepmti Kawawaŋgalen buŋam zapat zempalakŋaŋ bembeyet ombemnemti nakumtetitiŋaŋ kwit ke name ŋep penaŋ ku mambein.

¹⁰ Yanŋut neŋ alak Kawawaŋgalen buŋam zapat zempalakŋaŋ bembeyet ombemnemti nakumtetitiŋaŋ kwit ke timti talap ke pe Kawawaŋgalen keŋ taoletnaŋgapmti tiwan. Âpme Kawawaŋgalen keŋ taolet ke penaŋepiŋ ku beye yek penaŋ. Neŋ mulup mban keyaŋ Kawawaŋgalen buŋam zapat zempalakŋaŋ bembeyet ombemindemti indakumtetiye notnne silim indemti omba penaŋ mban. Kegok mban ke nanak ku mban; Kawawaŋaŋ keŋ taolet mnamti napmukulem mme mban.

¹¹ Âpme neŋ ma ekŋenaŋ buŋam zapat kwep keyegak mkoti zempalakŋaŋ bemann in zet ke nâmkiniŋpemti maip.

Zisas gakikiengatnan wageyepmti nin kegogak gakikiengatnaŋ wapmâbanup

¹² Nin Kilais gakikiengatnaŋ wawatnaŋgalen zapatnaŋ diindomangut inmagen notnaŋaŋ gakikiengatnan wawat ku tazin manzeip.

¹³ Ekŋenaŋ zet tazeip ke penaŋ benak beme, Kilaisiyaŋ gakikiengatnan wage zet ke kegogak penaŋ yek.

14 Kilais ku watnak ze Kawawaŋgalen Zet Zapat Dolakŋaŋ Penañ zemkawaŋ bembenn ma ingat nâmkijpepeŋin penaŋepiŋ bemâtnak.

15 Âpme nin Kawawaŋgat zewenn egaŋ Kilais gakikiengatnaŋ mme wage. Naman in gakikiengatnaŋ wawat ku tazin zewiegen nin Kawawaŋgalen zet zapat zemyuŋguŋu an bewenek.

16 Am gakikiengatnaŋ ku mawalip kegoak zewanup beme nin Kilaisiyet kegoak gakikiengatnan wage ku zewanup.

17 Kilais gakikiengatnan ku watnak ze nâmkijpepeŋin belakŋaŋ beme, yomin aseseŋgalen selin ŋen ku tatindanak.

18 Ma am notnaŋ Kilais nâmkijpemtî gakiwien ekŋen kogogak waleletgalen zapat bewiek.

19 Nin Kilais manâmkijpenup ke msalen mama tapmanup kapiyelen kwitnaŋ kwitnaŋ etaŋ benak beme nâmkijpepe keboŋ ke kemberaŋmak.

20 Yaŋgut kegoak yek. Kilais ek penaŋ gakikiengatnaŋ am gakikiŋaŋ ŋeŋaŋ bemandamti wageyaŋ mamain.

21 An ŋenaŋ yaŋbem gakiyeyepmti nin maŋgakimann delaŋ zein. Yaŋgut an ŋenaŋ kegoak yaŋbem wageyepm nin wabanup.

22 Nin Adamgat sip butnaŋ keyepmti maŋgakimann delaŋ zein. Sepem kegoak Kilaismak tususun tazin keyepmti gakikiengatnaŋ wapmâbanup.

23 Gakikiengatnaŋ wawat ke setnaŋ kapigok penaŋ sokbesâpm: Kilais ek ilak Bipmaŋ Kawawaŋaŋ mme wage. Âpme Zisas kosâpm kan

keyet egalen amñaneyañ kegegak wapmâbep.

²⁴ Kawawañañ kululun ma msat kapi aseksâpm, kan keyet Zisasiyañ msatgalen amobotnañin sambe ma Sadañgalen mulup anene ma winde sakam ikñak ikñak timtot indemti egañ ikñak etañ Amobotnañin tabe. Ke ilak Kawawañgalen zemâtâtât katnanen mama ke sokbeme mtati Bipmañ same Kawawañañ damuñ mbe.

²⁵ Kan keyet Kawawañañ kasañene sambe timtot indeme setnañ kandenañ tamâpme Nemuñañ nâmpeme kwitnañ kwitnañ sambeyet Amobotnañin tabe.

²⁶ Kawawañañ an kasa notnañ mtot indem metiñgut gakiki windenañ bekegegak mtot pewe.

²⁷ Kawawañgalen Zet Itnañañ pigok zemkawañ bembenañ,

“Kawawañañ am ma kwitnañ kwitnañ sambe Kilaisiyet kandenañ manje bempewe.” (*Sam 8:6*)

Zet ke Kawawañgat eyo ku zenzenañ enenogat Egañ am ma kwitnañ kwitnañ sambe Kilaisiyet kandenañ manje bemandewe.

²⁸ Kawawañañ am ma kwitnañ kwitnañ sambe Kilaisiyet kandenañ yalonpempti Kilais naman ikñañgat kandenañ pewe. Mti Kawawañañ ikñañ Kilais ma am ma kwitnañ kwitnañ damuñ mme delañ zewe.

²⁹ Gakikiengatnañ wawat keyet zemkotnetipeya ke ewe tusum zesowap. Kawawañgalen buñam zapat zemkawañ bembe an notnne ekñen sekñin ketalasimti am nâmkijpepepiñ ekñenmagen buñam zapat timet diindome

maindome gakip. Gakikiengatnañ wawat ku tazin beme eneyet ekñenañ kekok mamip?

³⁰ Âpme nin kekok, kwilekiyet kwitnañ kwitnañ ndawalelegalen mme nâpemti set keyegak mamâtnup?

³¹ Kilaismagen notnne, neñ Amobotnaññ Zisas Kilais ekgapmti ingat keñ oloñen mambein. Zet kapi penañ sukwep diindoyap. Neñ kasup katanñ nukñañ sambeyañ naminzilime gakikiyelen etañ mamkwalap.

³² Neñ Epesa mkaen an songom kukñañbeñnok ekñenmak auwan. Nukñañ tiwan keyet penañañ kwileki tiwap? Gakikiengatnañ wawat ku tazin beme neñ kapigok zema ñep besem,

“Senen mene gakiwanupgat alak tu meu aku-man kwaopme nim wianwianñ temanñ mne.”
(*Aizaya 22:13*)

³³ Am mama mimiñin bekanañ ekñenañ zet kelakñañ mti indatetim mebep beme ingalen mama mimi dolakñañ ke mme bekanañ bewe.

³⁴ In yom mamip ke katikpeit. Mti eksemti mamambep. Inmagen notnañañ Kawawañgat yañañ dolakñañ ku nâmâtâlíp ke sakambukñañmak.

Gakikiengatnañ sek alakñañ timti wabanup

³⁵ Notnañ ekñenañ kapigok mene yañkwesiwiek, “Gakikiñañ ekñenañ zigok mti wabep ma sek sepemin ziboñmak wabep?”

³⁶ Yañkwesisi ke ku nâmâtâti belak kileñ zenzenañ. Alik alik katnañ notnañ maondeip ke mmanañ sambume dukñañ alakñañ makwazin.

³⁷ In alik alik katnañ notnañ maondeip ke dukñañ mitimti ku maondeip. Nin sañgom ma kawek mee keboñ ondemann dukñañ ñeñañ patañ zemkwapme bam sinañ betnañ mamin.

³⁸ Âpme Kawawañañ zemâtâtpeye keyet katan kwati penañañ iknjak keyek masokbein ma katan ke gogak sepem iknjak iknjak masokbein.

³⁹ Sekñañgat yañañ ke gogak sepemañ kwep penañ yek. Am ningalen sek sepem iknjak iknjak ma sañgom ekñen ke gogak sek sepemin iknjak iknjak ma age ekñen ke gogak sek sepemin iknjak iknjak ma tuyengalen sañgom ekñen ke gogak sekñañ sepemañ iknjak iknjak.

⁴⁰ Msat kululuñ palen kwitnañ kwitnañ tazin ke kululuñen ekñen sepemin iknjak iknjak ma msalen ekñen ke gogak sek sepemin iknjak iknjak.

⁴¹ Ma kasup ek busatnañañ sepemañ iknjak ma eyoña ek ke gogak busatnañañ sepemañ iknjak ma wenzim ekñen ke gogak busatnañin sepemañ iknjak iknjak. Wenzim notnañ ekñañañ nolineyet busatnañin sebemindemti ego egoñañmak tapmelip.

⁴² Gakikiengatnañ wawat ke sepemañ ke gogak tazin. Msalen bembenañañ sambumbuyet zapat; wabe ek mama kanzizit mamayet zapat mambe.

⁴³ Msalen bembenañ waleletnañ ego egoñañpiñ yañgut wabeyen elimiakñañmak ma ego egoñañmak. Msalen bembenañ windenepiñ yañgut wabeyen keyañ windenñañmak.

⁴⁴ Bembenañ msat sekmak, wabeyen kululuñ sekmak. Msat sek timti manup ke gogak kululuñ sek timti mambanup.

⁴⁵ Mama msalen sokbemti manup keyet kapigok zenzenaḡ,

“Kawawanaḡ an kukḡaḡgatnaḡ weyaḡti mama saye kwitnaḡ Adam ke.” *(Sokbembe 2:7)*

Âpme mama alakḡaḡ titiyelen ke Kawawanaḡ Nemuḡaḡ Zisas gakikiengatnaḡ mme wapme saye keyepmti egaḡ mama alakḡaḡ mama kanzizit ndawe ke egat An bamgatnaḡ Kawawanaḡgalen zelaḡ manzemkawaḡ bein keyet kataḡ.

⁴⁶ Msalengalen sek ḡeḡaḡ ndame timti msalen kapi mamanup; bamgut kululuḡengalen sek ndame timti kululuḡen mambanup.

⁴⁷ An ḡeḡaḡ ek Kawawanaḡ msalaḡ mgeyepmti msat kapiyelen an beye. Âpme An bam ek gakikiengatnaḡ wapme kululuḡ sek sasaḡaḡ.

⁴⁸ An ḡeḡaḡ msalaḡ mge kegogapm nin egat iḡsokḡene bemti msat sek timti mamanup. Âpme naman An bamgatnaḡ kululuḡ sek timti mamaingapmti nin egalen bemberaḡ kogogak kululuḡ sek timti ekmak mamti mambanup.

⁴⁹ Âpme an msatgalen sek sakam tiwenn sakam keyet kataḡ maneti bam kululuḡengalen An iḡḡaḡgalen sek sakam timti mambanup.

⁵⁰ Kilaismagen notnne, neḡ zet ḡen pigok zema nâit. Am msat sekmak ekḡenaḡ Kawawanaḡgalen zemâtâtâtgalen katnanen mama keyet keḡan ku mebep. Ma kwitnaḡ kwitnaḡ sambumbuyelen ekḡenaḡ mama kanzizitgat toḡaḡ ku bewep.

⁵¹ In weyaḡ tati nâme zet enzililiḡaḡ Kawawanaḡ am ḡen ku diindoye ke neḡ dinoyeyepm ingat pigok zema nâit: Nin notnaḡ

ku gakimann Kilaisiyaŋ gilik zemkopme nin sambe asekti sepem ŋen bemâbanup.

⁵² Lumun temaŋ kuwe keyegak nin sepem asekte iŋŋak ŋen bemâbanup. Âpme gakikiŋaŋ ekŋenaŋ sekŋin alakŋaŋ kululuŋengalen kemak wabep ma alik mamananup ningat sekŋ kapi asekte sepemaŋ ŋen kululuŋengalen zapat bewe.

⁵³ Sekŋ kapi gakimti masambum yek mambein ke mgilik zemti naman ku waleletgalen ke timti mama kanzizit mambe.

⁵⁴ Kegogapmti sekŋ tetak ku mamayelen pi mgilik zeme tetak mamayelen sokbewe. Kan keyet zet pigok Kawawaŋgalen Zet Itnaŋane Itnaŋanen zenzenaŋ ke penaŋaŋ sokbewe,

“Mamayaŋ gakiki wilige.” *(Aizaya 25:8)*

⁵⁵ “Kawawaŋaŋ gakiki ilak windenaŋ mtotpein. Gakikiyet windenaŋ ninmagen ewe ku tazin.” *(Hosea 13:14)*

⁵⁶ In kapigok nâit, yom ke nombe kukŋaŋbengat zetutuŋaŋ nembongapm ndime gakinup. Zii zelaŋ nin an yomton zemti keyet dopmaŋ manzemandomwaleletgat zapat manndein.

⁵⁷ Kwitnaŋ kwitnaŋ ekŋen keyelen windenaŋ ninmagen ŋen ku tim tazin enenogat Zisas Kilaisiyaŋ gakimti windenjin tim totindeye keyet nin Kawawaŋgat wisikŋ manzem mamambanup.

⁵⁸ Kogogapmti Kilaisimagen notnne, in katikŋaŋ bemti tabep. Mti Amobotnaŋgalen mulup ŋokkaŋkaŋ kumti windenaŋ bemti mbep. Amobotnaŋgalen mulup mbep ke penaŋepiŋ belak penaŋ ku wembe ke nâmkatik bemti mbep.

16

*Kawawaŋgalen an imbi towewenŋan
indamukulem mimiyelen tewalaŋ akukuyet
diindoye*

¹ Kawawaŋgalen an imbi towewenŋan ekŋengat mukulem mimiyet mânep akum besât nâmbep beme Galesia am diindowan sekem kegoğak mbep.

² In mânewin tiwep kataŋ butnaŋ ŋen kalaŋti Sonda kataŋ ewenŋanek mkaŋinan mopmangat Kawawaŋgalen tewalaŋ bembeyet wisimti beme tabe kogogaŋm neŋ ke tisât kopma in nâmkwindendepiŋ âlâkŋak bewep.

³ Neŋ inmagen kot pataŋ zemti an zemindewep ekŋen zemâtâtât papia ŋen kumindama tewalaŋin akum bemberŋan kemak indame timti Zelusalem mebep.

⁴ Ma tewalaŋin sambe neŋ nsakwep mebe-galennok bewe beme ŋep mebanup.

*Pâlaŋ Kolin ekŋenmagen met indidikgat zet
beme mege*

⁵ Neŋ Masedonia msat kuma balan zeme mamkotne kotne inmagen kot pataŋ zewap.

⁶ Neŋ Masedonia msalen kwesiŋ penaŋ ku mambap, winde bemberŋak inmagen kobap. Inmagen koti inmak belaknik bugan mambap ma inmak ke tapmetnepema mawalam kanen delaŋ zewe mene. Ma in set aikneme neŋ katim indemti butnaset ŋen mebap.

⁷ Neŋ inmak abatatat palen kotati mebegat ku nembein inmak ke Amobotnaŋan nâmneme

koti inmagen kan teepmaņnik bugan mamayelen nâmti zeyap.

⁸ Neņ pi ewe Epesa mkaen kapi mama Pentikos Kendo bewe.

⁹ Pienen Kawawaņaņ iķņaņgalen Zet Zapat Dolakņaņ Penaņ zenzeyelen set weyaņneme mulup temaņ penaņ sokbemnain. Yaņgut keyet keņaņ Kawawaņgalen Zet Zapat Dolakņaņ Penaņgalen kasa kuku an notnaņ tapmaip ekņen neņmak neņbeluņ beluņ mti mulupnnaņgat kasa bugan tapmip.

¹⁰ Timoti egaņ inmagen koti kiņgatpeņ mam-beyet kopme ekti in wati mkitikpewep. Neņ Amobotnaņgalen mulup mamiyap egaņ mulup keyegak mamin.

¹¹ Keyepmti in egat nâme tototnaņ ku bewe. Ek ekdamuņ dolakņaņ mpemti peme ewe gilik zemti nenmagen keņ sewakņaņ palen kobe. Neņ ma am nâmkिpepemak notnaņ nin egat damuņ tapmanup.

¹² Ningat notn Apolos ek inmagen am nâmkिpepemak notnaņ indatime inmagen kokogat zegiņgiņ mpema egaņ nâme bugan nukņaņnik bein. Egaņ kan kapigogat ku kobe bam maneti iķņaņ inmagen kokogalen nâmtiņgut kopme ekbep.

¹³ In nâmkिpepeņin mme toweweyelen nukņaņ sambe kobeyet eksemti tabep. Ma Kilais kogogak giņgiņ nâmkिpemti mambep. Am windetoņ ekņenaņ nâmtalat matalipnok in kogogak nâmtalati mamambep. In mama mimi bekaņaņ neņ nâmpeme keyaņ ku indikdamuņ mti tabe.

14 Kogok mti kwitnaŋ kwitnaŋ sambe gogot palen mbep.

15 In Stepanesmak am egalen mkaen matalipgat yaŋaŋin nâip. Akaia msalen an ke ma am egalen mkaen matalip ekŋenaŋ ŋeŋaŋ bemti Kawawaŋgalen Zet Zapat Dolakŋaŋ Penan nâmti nâmkijpepe aikbien. Ekŋenaŋ dapmelangeyelen damuŋ mamti Kawawaŋgalen buŋam zapalaŋ palakŋaŋ bembeyet mukulem eyo mamip. Kilaismagen notnne, in kapigok ewe mimiyelen zema nâit,

16 in ekŋengat nâmindeme mopme an damuŋ sambe neŋ mamiap sepem kegogak mâti mamip ekŋen eksemindewep.

17 Ingalen an damuŋ kapigogaŋ neŋmagen Epesa kobien Stepanesmak Potiunetas ma Akaikas ekŋenaŋ kopme neŋ indikti oloŋen penaŋ mimindewan. Ekŋenaŋ ingat munduminan koti ingat zet zapalin mname keyaŋ keŋŋ mkipmaŋ beye.

18 Dolakŋaŋ penaŋ an ekŋen kapi zemindeme kobiengapm nâgât keŋŋ ma ingat keŋŋin kogogak msewakaŋŋ bewien. In an keboŋ ekŋengat kegogak nâme dolakŋaŋ bewe.

Pâlaŋ amŋane indamukumindemti zemgwatnaŋ mimindein

19 Nâmkijpepemak am Esia msalen maip ekŋenaŋ in indamukumindeip. Akwilamak Plisila ekŋetgalen mkaen am nâmkijpepemak maondegip ma egelaŋ Amobotnaŋgat pembe-naŋgapm in gogot palen indamukumindeip.

²⁰ Kilaismagen notnne neŋmak pien taliwan indamukumindeip. Kawawaŋgalen Zet Zapat Dolakŋaŋ Penanŋ mâti maip ilinak bet butem ainti oloŋen palen mambep.

²¹ Pi neŋ Pâl inda mukukuyelen zet kapi betnnaŋ penaŋ meluwaŋ kumindayap.

²² Am ŋenaŋ Amobotnaŋgat wisat mbe beme ek teziŋ ŋandenŋat zapat bewe. Amobotnaŋ, geŋ kot!

²³ Amobotnaŋ Zisas Kilaisiyelen keŋ taolet in-magen wemti weweyet mandunduyap.

²⁴ Neŋ Kilais Zisasmagen tusumtati in sambe nâmtikŋaŋ mimindeyap.

Kawawangalen Tâtâ Alakŋaŋ
The New Testament in the Nabak Language of Papua
New Guinea
Nupela Testamen long tokples Nabak long Niugini

copyright © 1988 Wycliffe Bible Translators, Inc.

Language: Nabak

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-08-30

PDF generated using Haiola and XeLaTeX on 18 Apr 2025 from source files dated 31 Aug 2023

ea68a902-358a-5c72-82de-a583fc4809e7